

續古文苑

一函
六冊

續古文苑卷第十四

賜進士及第授通奉大夫山東通省督糧道加三級孫星衍撰

箴

邊都尉箴

漢胡廣

巍巍上聖光被八垠矧惟內面罔不來賓季末陵遲
王澤壅隔戎狄作難鬼方騷述桓桓猛將是攘是闢
殷宗周宣用顯其績大漢龍興念存治平蕩蕩率土
來同門屏守撫其民尉典其戎五才並用文武程功

陵令箴

漢胡廣

昔在黃葉葬野衣薪口禮極哀不樹不墳瓦棺聖周
虞夏攸稱壤不毀膚賄不害生是蹈皇極百王此經

故厚不可始皇薄不可王孫案舊脫孫字今補乃眷西顧爰
矩孝文陵臣司墓敢告守人

太醫令箴

漢崔寔

動不肆勤靜不宴逸有疾歸天醫無能恤晉平好內
四時是一非鬼非食惑以自失雖有秦和焉所施術
太上防疾其次萌芽腠理不蠲骨髓奈何

女師箴

漢皇甫規

觀象制教肇經乾坤家有王義室有嚴君各有定位
陰陽是分昔在軒轅陶化正刑此句有詳刑於壺闈以
臨百官煌煌后妃元統是閑穆穆夫人爰采潔繁師
禮莫違而神罔時怨關雎首化萬國承流實有淑女

允作好逖唐媛興媯文母盛周案母舊誤武今改德音不回

宏濟大繇咨爾庶妃鑾輅斯邁戰戰兢兢厲省輦帶

漸進不形變起無外行難著而易喪事易失而難追

動若順流應如發機奉上惟敬撫下惟慈怨豈在明

患生不思

皇后箴

漢傅幹

煌煌四星著天垂曜赫赫后妃是則是效舜納二女

對揚茂教正位於內頑嚚輟暴案暴舊諺恭今正辛亂妲已

共則情悅此句有詳未詳牝雞亂晨殷祀用絕孝成寬柔縱

弛紀綱王擅朝權趙專椒房巨猾是緣竊弄神器故

禍不出所憎常出所愛是以在昔明后案昔舊諺晉今正日

新其化匪唯訓外亦訓於內

太子少傅箴

晉傅

元

夫金木無常方員應形亦有隱括習以性成故近墨者黑案故下當脫四字一句聲和則響清形正則影直正人在側德義盈堂鮑肆先入蘭薰不芳傅臣司訓敢告君王

女史箴

晉裴

頤

膏不厭鮮水不厭清玉不厭潔蘭不厭馨爾形信直影亦不曲爾聲信清響亦不濁綠衣雖多無貴於色邪徑雖利無尚於直春華雖美期於秋實冰璧雖澤期於見日浴者振衣沐者彈冠人知正服莫知行端

服美動目，行美動神。天道祐順，常與吉人。

幽人箴

晉庾敳

有物混成，先天地生。乃剖乃判，二儀既分。高卑以陳

貴賤攸位，榮辱相換。案以上五句有脫誤未詳乾道尚謙，人神同

符。危由忽安，溢緣飾虛。苟識妙膏，厥美有腴。韓信耽

齊，殞首鐘室。子房辭留，高迹卓逸。實不足榮，利不足

希。華繁則零，樂極則悲。歸數明白，勢豈容違。人徒知

所以進而忘所以退，穰侯安寵，襄公失愛。始乘夷道，

終嬰其類。羲和升而就翳，望舒滿而就虧。盈挹之分，

自然之規。悠悠庶人，如何勿疑。幽人守虛，仰鑽元遠

敢草斯箴，敬咨黻冕。

太子侍臣箴

晉 溫 嶠

勿謂其微，覆篲成高。勿謂其細，巨由纖毫。故曰善不積，不足以成名。話言如絲，而萬里來享。元以處極，而利在永貞。案元舊誤無今改是以太子之在東宮，均士抗禮，以卑厥情。入學齊齒，言稱先生，不以賢自臧，不以貴爲榮。思有虞之蒸蒸，尊周文之翼翼。晨昏靡違，夙興宴息。師傅是瞻，正人在側。屏彼佞諛，納此亮直。故傳敬德義，臣思盡忠。或稽古訓導，惟道之不融。或造膝詭辭，懼咎之蘊崇。惴惴兢兢，思二雅之遺風。鑒乎九三天祿，永終近臣。司規敢告，常從。

逸民箴

晉 江 道

至人應務是統是營乃制上下以牧羣生君位孰在
匪聖伊明賢愚相奉臣主以成如彼百節各役天形
率分委質仰應一情心膺有位股肱有經豈以處下
爲戚爲榮案爲榮上當脫二字各安其所舉體用乎夫設爵列
士懸弓垂旌卑尊之級貴賤之名匪以恣物之欲實
大猷而是經處遁之士奚眷於時行矣先覺捐俗長
辭明乎憂患故超爾不疑解髮靈崖被褐絃絲飄飄
臺上輕舉高之穆穆二仲攜策相期盤幽隱寂與物
無治凡厥後來順乃所往鑒茲俗累戒於顛蕩無殉
外物心煩技養無弃恬曠憂勤是掌林人司箴敢進
善黨

冠子箴

梁蕭子範

是月惟令。敬擇良辰。式遵士典。諮筮於賓。嘉字爰錫。醮酒方陳。禮莊爾質。德成爾身。永變童心。長移悼齒。朱錦辭髮。青絢在履。丹石爲操。冰泉厲已。務簡朋匹。田蘇遊止。在我尚謙。推物盡美。面諂退言。弗納於耳。直弦矢辭。斯爲良士。

銘

王史威長銘

漢西都時。南宮寢殿內。有醇儒王史威長。死葬銘曰。明明哲士。知存知亡。崇隴原豐。非(寧)非康。不封不樹。作靈乘光。厥銘何依。王史威長。

扇銘

漢傅毅

翩翩素圓清風載揚君子玉體賴以^①康冬則龍潛夏則鳳舉知進能退隨時出處

戟銘

漢李尤

枝戟之設案枝舊誤以戒非常秉執操持邪暴是防

須臾之忿案忿舊誤終身為殃山陵之禍起於毫芒

張溥輯李尤集獨缺此銘故錄之

崕涖銘

漢張休

太山雖高無得而擬劔道雖險孰可為比吁嗟此山高且險只上眠彼蒼相去能幾宜乎昆侖日月所蔽行人過茲鮮不歔涕深念於斯刊銘崕涖

漢延熹二年三月初
張休

劍銘

漢士孫瑞

臣有劍一枚駿羣標首藍田玉乞以備乏信給用左

右也

見北堂書鈔一百二十二
二當是序故補入於此

天生五才金德惟剛從革作辛含景吐商辨物利用

勲伐彌彰暨彼良工歐冶干將爰造寶劍巨闕墨陽

上通皓靈

太平御覽三百四十四
引上作精

獲茲休祥剖山竭川虹

蜺消亡昭威耀武震動遐荒楚以定霸越以取強

漢鏡銘

絜精白而事君怨陰驩同之弇明煥元錫之流澤志

疏遠而日忘慎庠美之窮嗤外丞驩之可欲說慕安

於重泉。願永思而毋紀。內請碩以昭明。光輝桌夫日。
月心忽揚而顛忠。然壅塞而不池。右鏡銘內外層合七十二字錢氏坊
釋請碩為清妍借硯為之或然釋壅為壁則誤釋池為施是也其文體似楚騷

又

日有熹。月有富。樂無事。常得意。美人會。竽瑟侍。商。商字
市程萬物平。老復丁。復生。盛

又

久不見。侍前希。秋風起。予志悲。

又

湛若止水。皎如秋日。清暉內融。菱花外發。洞照心臆。
屏除娛孽。永世作珍。服之無沫。

又

尚方御竟大母傷巧工刻之成文章左龍右虎辟不祥朱鳥元武順陰陽子孫備具居中央涑治銀錫清而明長保二親樂富昌壽敝金石如侯王

又

許氏作竟自有紀青龍白虎居左右聖人周公魯孔子作吏高遷車生耳郡舉孝廉州博士少不努力老乃悔吉

又

天地成日月明五嶽靈四瀆清十二精八卦貞富貴盈子孫靈皆賢英福祿并

座右銘

魏卞蘭

重階連棟必濁汝真金寶滿室將亂汝神厚味來殃
艷色危身求高反墜務厚更貧閉情塞欲老氏所珍
周廟之銘仲尼是遵審慎汝口戒無失人從容順時
和光同塵無謂冥漠人不汝聞無謂幽窅處獨若羣
不為福先不與禍鄰守元執素無亂大倫常若臨深
終始為純

斫猛獸刀銘

魏何晏

徒搏不兵作戒宣丘用造斯器螭獸是劉制禽允良
昏明亶時永釐厥後蠲民之災

太平御覽三百四十六此下有注云言作

斬虎刀銘曰螭虎是劉案注謂唐人改虎字為獸耳

筆銘

魏傅巽

昔在上古結繩而治降及後載易以書契書契之興
 興自頡皇肇建一體浸遂繁昌彌綸羣事通遠達幽
 垂訓紀典匪筆靡脩實為心畫案畫舊誤臧否斯由
 厥美宏大置類鮮疇德興之著唯道是揚苟逞其違
 禍亦無方案隋書經籍志梁有尚書傳異集二
卷亡藝文類聚異作選誤也今改正

燭銘

晉傅元

煌煌丹燭焰焰飛光取則龍景擬象扶桑昭彼元夜
 炳若朝陽焚形監此無隱不彰此銘張溥傳

反金人銘

晉孫楚

晉太廟左階之前有石人焉大張其口而書其曾曰

我古之多言人也無少言無少事少言少事則後生
何述焉我讀三墳五典八索九丘曠罔深而不探理
無奧而不鉤故言滿天下而無口尤夫唯言立乃可
長久胡爲塊然生緘其口自拘廣庭終身义手已上
俱依
太平御覽
五百九十一凡夫貪財烈士殉名盜跖爲濁夷柳爲清
鮑肆爲臭蘭圃爲馨莫貴澄清莫賤滓穢二者言異
歸於一會堯懸諫鼓舜立謗木聽采風謠惟日不足
道潤羣生化隆比屋末葉陵遲禮教彌衰承旨則順
忤意則違時好細腰宮中皆飢時悅廣額下作細眉
逆龍之鱗必陷斯機括囊無咎乃免誅夷顛覆厥德
可爲傷悲斯可用戒無妄之時假說周廟於言爲蚩

是以君子追而正之

已上依藝文類聚十九張溥輯楚集失采御覽今補之

塵尾銘

晉王導

道無常貴所適惟理勿謂質卑御於君子拂穢清暑
虛心以俟

黑塵尾銘

晉許詢

卑尊有宗貴賤無始器以通顯廢興非已偉質軟蔚
岑條疏理體隨手運散飈清起通彼元詠申我先子

白塵尾銘

晉許詢

蔚蔚秀氣偉我竒姿荏弱軟潤雲散雪霏君子運之
探元理微因通無遠廢興可師

諸葛武侯宅銘

晉習鑿齒

達人有作振此頽風彫薄蔚采鴟闌初學記惟豐義

範蒼生道格時雄自昔爰止於焉盤桓初學記躬耕

西畝永嘯東巒迹逸中林神凝巖端罔窺其奧誰測

斯歡堂堂偉匠婉翮陽朝傾巖搜寶高羅九霄慶雲

集矣鸞駕三招案三字依初學記廿四改藝文類聚作亦非

隱几銘

晉蘇彥

良匠造器妙巧應規俯仰灼照商畧神奇假物與思

須以忘疲隋書經籍志梁有晉北中郎參軍蘇彥集十卷亡

邛竹杖銘

晉蘇彥

安不忘危任在所杖秀矣雲竹勁直條暢節高質貞

霜雪彌亮北堂書鈔一百三十三貞作固霜雪作負霜圓以應物直以居

當妙巧無功，竒不待匠。君子是扶，逍遙神王。

木弓銘

晉嵇含

烏號之朴，豐條足理。弦鳴走括，截飛駭止。射隼高墻，出有議擬。既用禦侮，亦以招士。

團扇銘

宋孫康

有圓者扇，誕此秀儀。晞露濯色，擬日定規。朗姿玉暢，

惠氣蘭披。

隋書經籍志：梁有宋征南長史孫康集十卷亡。

齊海陵王墓銘

齊謝朓

中樞誕聖，膺（歷）受命。於穆二祖，案高帝也天臨海鏡。顯

允世宗。

案文惠太子也

温文著性，三善有聲。四國無競，嗣德

方衰。

案鬱林王也

時惟介弟，景祚云及。多難攸啓，載驟載

獵高闕代邸庶辟欣欣威儀濟濟亦既負辰言觀帝
則正位恭己臨朝淵嘿虔思寶締負荷非克敬順天
人高遜明德案明帝也西光已謝東旭又良龍燾夕儼葆
挽晨鏘風搖草色日照松光春秋非我晚夜何長中
書侍郎謝朓撰此文朓集不載

鼎銘

梁周捨

天下盥康異方同軌九牧作貢百司咸理範金鑄器
式鎮階祀波圓月鏡傳之無已

洛橋銘

後魏常景

浩浩大川泱泱清洛道源熊耳控流巨壑納穀吐伊
貫周淹亳近達河宗遠朝海若兆惟洛食實曰土中

上映張柳下據河嵩寒暑攸叶日月載融帝世光宅
函夏同風前臨少室却負太行制巖東邑峭岨西疆
四嶮之地六達之莊恃德則固失道則亡詳觀古昔
列見丘墳乃禪乃革或質或文周餘九裂漢季三分
魏風衰晚晉景彫曠天地發輝圖書受命皇建有極
神功無競魏籙仰天(元)符握鏡墜運會昌龍圖受命
案此二句衍也因各本皆有姑仍之乃睠書軌永懷保定敷茲景跡流
美宏模襲我冠冕正我神樞水陸兼會周鄭交衢爰
勒洛汭敢告中區

石門銘

此門蓋漢永平中所穿將五百載世代綿迴屯夷遊

作乍開乍閉通塞不恒自晉氏南遷斯路廢矣其崖
岸崩淪礮閣堙禡門南北各數里車馬不通者久之
攀蘿捫葛然後可至皇魏正始元年漢中獻地哀斜
始開至於門北一里西上鑿山爲道峭咀槃迂九折
無以加經途巨礙行者苦之梁秦初附實仗才賢朝
難其人裒蘭良牧三年詔假節龍驤將軍督梁秦諸
軍事梁秦二州刺史秦山羊祉建旗幡漾撫境綏邊
蓋有叔子之風焉以天嶮難升轉輸難阻表求自迴
車已■開創舊路釋嶺磴之勞就方軌之逸詔遣左
校令賈三德領■一■人共成其事三
巧思機發精解冥會雖元凱之梁河德衡之損躡

足偶其奇起四年十月十日訖永平二年正月畢功
閣廣四丈路廣六丈皆填礫棧豁碎嶮梁自迴車
至谷口二百餘里連輶駢轡而進往哲所不工前賢
所輟思莫不夷通焉王生履之可無臨深之歎葛氏
若存幸息木牛之勞於是畜產鹽鐵之利紈錦芻蕘
之饒充仞川內四民富實百姓息肩壯矣自非思埒
班爾籌等張蔡忠公忘私何能成其事哉乃作銘曰
龍門斯鑿大禹所彰茲巖廼穴肇自漢皇導此中國
以宣四方其功伊何旣逸且康去深去阻匪閣匪梁
西帶汧隴東控樊襄河山雖嶮惟德是強昔惟畿甸
今則關疆永懷■■■在人亡不逢殊績何用再光

水眺悠口林望幽長夕凝曉露晝含曙霜秋風夏起
寒鳥春傷穹窿高閣有車麟麟威夷石道駟牡其駟
千載絕軌百兩更新敢刊巖曲以紀鴻塵
魏永
平二年太歲己丑正月己卯朔卅日戊申梁秦典籤
太原郡王遠書

西壁文後漢永平中開石門今大魏改正始五年爲
永平元年餘功至二年正月訖手開復之年同日永
平今古同前極矣哉後之君子異世同聞焉

天柱山銘

後魏

鄭道昭

孤峯秀峙高冠霄星實曰天柱鎮帶萊城懸崖萬仞
峻極霞亭據日開月麗景流精朝暉岩室夕曜松青

九仙儀彩餘用，用。灑形龍遊，鳳集斯處。斯寧淵緜，窮想照燭空溟。道暢時乘，暉光幽明。雲門煙石，登之長生。

天柱山銘

北齊

鄭述祖

巖巖岱宗，魯邦仍其致祀。奕奕梁山，韓國以之作鎮。蓋由拳石吐雲，扶寸布雨。五岳三望，六宗九獻。祈禱斯應，禮秩攸明。天柱山者，卽魏故通直散騎常侍中書侍郎國子祭酒秘書監青光相三州刺史先君文恭公之所題曰南臨巨海，北眺滄溟。西帶長河，東瞻大壑。斜嶺槩天，層峯隱日。尋十州於掌內，總六合於眼中。文鯀自此經停，精衛因其止息。始皇遊而忘返，武帝過而林留。豈直蛾眉鳥翅，二別兩嶠對談。小太

共敘優劣者也。公稟氣辰象，含靈川嶽，禮義以成規。矩仁智用爲樞機，自結衣冠，譽革履傳聲，組綬相輝。貂冕交映，至於愛仙樂道之風，孝敬仁慈之德。張良崔廓未之云擬，文先夏甫何以能加。魏永平三年，朝議以此州俗關南楚境，号東秦田單奮武之鄉，麗其騁辯之地，民猷鄙薄，風物陵遲，諛諂俾乂，非公勿許。及馭雞御下，享魚理務，羣情款密，庶類允諧，變此澆夷之俗，侔彼禮樂之邦，懋績布在哥謠，鴻範宣諸史策。公久闊枌榆，永懷桑梓，同昇隴而灑泣，類陟岵以興嗟。於此東峯之陽，仰述皇祖，魏故中書令秘書監兗州刺史文貞公迹狀，鐫碑一首，峯之東堪石室之

內複製其銘。余忝資舊德，力構前基，遂秉笏朝門，策
名天府，出入蕃邸，陪從帷幄。凡諸身歷，瀛趙滄冀，懷
及兗光，行正十州刺史，北豫州大中正，三登常伯，再
履納言，光祿大常，頻居其任，揣究庸虛，無階至此。直
是遺薪，妄委餘慶，濫鍾何曾，不想樹嗟風瞻，天愧日
猥。當今授踵迹，此蕃敢慕楹書，仰宣庭誨，其詞曰：
嵩高峻極，太華峭成，祈望諸素，禋禱羣經，崇哉天柱，
迴出孤亭，地險樹德，藉此爲名，赫矣先公，道深義富，
如桂之馨，如蘭之茂，尊祖愛親，存交賞舊，翻屬愚淺，
實慚穿構。

大齊天統元年歲次乙酉五月壬午

朔十八日己亥，刊使持節都督光州諸軍事車騎大

將軍

中儀

同三司光州刺史熒陽鄭述祖作

吳郡橫山頂舍利靈塔銘

隋嚴德盛

竊以至理無言非言無以寄理元蹤無體非體無以
明蹤然則八十種好呈應身之妙三十二相表化質
之妍至如獻土童兒聚沙稚子尙獲無窮之報猶成
莫盡之因況撒身命重財崇諸聖業者矣但樹因之
最無過起塔崇福之重詎甚建幢而銀青光祿大夫
吳郡太守李顯者乃華陽杞梓江漢芳蘭夙布素誠
少匡王國吐納風雷之際出處朱紫之庭縻爵峻於
其身隆基茂於往葉温良洽於郡國孝敦睦於閨門
建節贊治張振化風門雖望族世載公卿安仁樂智

之心無違終食謙明惠厚之德造次必存仍共獎勸
郡部官人奉爲皇帝皇后齊王六宮眷屬各捨七珍
同崇八福在郡城之西山頂上營造七層之寶塔以
九舍利置其中金瓶外重石槨周護留諸弗朽遇劫
火而不燒守諸不移漂劫水而不易時有龍華道場
比丘法首者歲居齟齬卽起踰城之心年將志學仍
持航海之操自離親捨俗三十許年洞識苦空明閑
法要誠心內發冥夢外酬時聞此山爲古之佛殿乃
共於此所成斯勝業願寶鐸常搖法輪恒轉含生迴
向□□歸心上通有頂之天傍及無邊之地同離生
死之苦俱成涅槃之樂其辭曰

相焉是滅法矣非生蓋纏虛萃渴愛徒盈不無不有
何體何名業風既息法水使清以茲勝地令德來持
功施合矩化動成規如雲出岫狀月臨池清流不倦
貽銘無疲虔心局體同歸共慕施彼七珍崇斯六度
下被羣品上資天祚萬福莊嚴千靈輔護少宣令問
彼秀苗藂案藂舊誤聚今改輪轉三有馳流六通獨善非德
兼濟爲功俱成法雨用息塵籠大隋大業四年
歲次戊辰九月辛未朔八日戊寅立銘吳郡司戶嚴
德盛製文司倉魏瑗書吳郡志云寶積寺在橫山下亦名楞伽寺山頂有塔隋人所書塔銘碑石全好案今已不存矣

萬年宮銘

唐高宗

朕聞金臺遙邁超忽崐閩之間玉闕參差綿邈蓬瀛
之際是以周王肆轍唯招既往之僊漢帝遐遊空益
將來之弊豈如岐陽峻鼻鎮茲京甸疏林光之別館
建甘泉之離宮東望翦華干林結影西瞻隴坂派水
分流南俯茶原風雲交映北臨石柱川■朝宗迴迴
孤岑秀三襲於霞表斜斜危路環九折於雲心複瀾
澄陰扇炎風而變冷重巒潛暑韜夏景而飈寒故知
五鎮之基空号神州之地三仙之嶺虛傳靈府之都
未若翦石裁宮構飛檐於迴漢騰虛架宇聳紫殿於
遙空百仞朱樓月盈虧於青瑩千尋翠閣雲舒卷於
丹墀岫綴霞衣點虹望而散錦巖懸溜帶瀆石砌而

飛珠浮涼氣於彤闈庭留花而雪夏凝清陰於碧沼
池結鏡而冰春泉起花岑■雙蓮而吐秀波搖錦石
皎兩鏡而騰暉幾片斷雲縈松合蓋數藜幽桂插月
分香暝壑栖煙籠千崖而散碧朝原上日輝四野而
舒紅笑樹餘花低空落影吟風宿鳥響谷雙驕猿不
恨而虛啼蝶無癡而起舞朕載懷千古流鑒百王思
欲屏逸收驕怡神遣慮崆峒訪道欽往哲之高風姑
射尋真挹先賢之宿志所以停軒禁藥駐蹕榆川非
欲賞恣盤遊途窮轍迹加以時侵首夏日■餘春露
泫脩篁風清邃澗松蘿雲起藤蔦星懸可以陶瑩心
靈澄清耳目鏡冰霜則廉潔斯在撫松筠則貞操非

丘壑怡神林篁賞性千里眺覽八州澄鏡玉燭調序
薰琴動詠仰則茨山刊規遠暎
大唐永徽五年

歲次甲寅三月景午朔十五日庚申建

唐西明寺鐘銘

維大唐麟德二年歲躔星紀月次降婁二月癸酉朔
八日庚辰皇太子奉爲二聖於西明寺造銅鐘一口
可一萬斤發漢水之奇珍採蜀山之秘寶虞倕練火
晉曠飛鑪帶龍虛而騰規應鯨桴而寫製聲流九地
遐宣厚載之恩韻徹三天遠播曾曼之德寤羣生於
覺路警庶類於迷塗業擅香垣功齊塵劫式旌高躅
敢勒貞金頌其銘曰

青祇薦祉黃離降精。渦川毓德。瑤嶺飛英。吹銅表性。
問寢登情。興言淨業。載啓香城。七珍交鑄。九乳圖形。
翔龍若動。偃獸疑驚。制陵周室。規踰漢庭。風飄旦響。
霜傳夜鳴。仰延皇祚。俯導蒼生。聲騰億劫。慶溢千齡。

姚元景造象銘

竊惟大雄利見。宏濟無邊。眞諦克明。神通自在。是以
三千世界。禪河注而不竭。百億須彌。甘露灑而恒滿。
歸依妙理。無乃可乎。朝散大夫行司農寺丞姚元景。
慈悲道長。忍辱心遐。悟朱紱之儻來。沿紺池而利往。
發顛上下。平安爰於光宅寺法堂石柱造像一鋪。爾
其篆刻彰施。儀形圓滿。眞容湛匿。坐青石而披蓮法。

柱承而排紺霄而舞鸛雲②開朗金光炳然風塵晦
冥玉色逾潔身不可垢道必常明宴坐經行善③多
矣俾我潘輿盡敬將法輪而恒轉姜被承歡曳天衣
而下拂崑丘燎火還披鷲嶺之雲寶刼成塵齋滌龍
宮之水迺爲銘曰

法無上兮神化昌流妙宇兮爍容光弥億齡兮慶未
央長安四季九區十八④書

晉史憲銘

唐史疑

伊昔有熊道德資始名列五帝澤流千祀文捨伯邑
武興太史官有世功春秋所紀衛尉疇嗣孝成以康
將軍樹績光武其昌事列盟府功書太常源分陸海

派別三江，懿彼侍中，飛纓殿內，爲王之伯。熙帝之載，左貂右蟬，切問近對，八舍攸履。七車不昧，散騎帝友。朝夕進規，奉輿肅事。贊道攸宜，有濟之論。兼濬之儀，獻替之美。復在於斯，桓桓積石，允文允武。外擅爪牙，內爲心膂。氣逸南仲，才高召虎。作師之貞，爰誓其旅。豫章太守，人之領袖。如玉之貞，如松之茂。共理天下，實資時秀。良二千石，抑非虛授。惟君挺生，材術縱橫。黃裳元吉，白賁永貞。荆巖植潤，漢水騰明。是謂家寶，膺茲國楨。英英學藝，爲郎滿歲。紫帳趨榮，青縑沐惠。玉譚練習，鄭泰才計。持實有章，大猷無替。悠悠廣熙，南海之湄。言典斯郡，遠子將之。變其風俗，鎮以宣慈。

人斯攸賴。吏不忍欺。列郡之政。茲焉爲盛。開國承家。大君有命。山川光錫。圭組輝映。是曰懋功。往哉惟敬。重此台望。期諸棟隆。初欣鄭鹿。奄歎虞鴻。麟傷孔子。馬思滕公。死而可作。善始令終。言式其墓。岷山之路。如斧載形。廣輪爲度。委鬱松楨。蒼茫草露。萬古同悲。千春罷曙。猗歟雲允。世豈乏賢。不忘其本。願述其先。陸家茂德。潘氏流泉。口聲懿範。日月俱懸。案建康志書憲爲尚書山陰侯史嶷撰神道碑唐景龍四年作其碑字多磨滅是周應合所見銘文尚可讀今則亡其石矣錄載銘中取與王史威長海陵王一例也

景龍觀鐘銘

原夫一氣凝真。含紫虛而構極。三清韞祕。控碧落而

崇因雖大道無爲濟物歸於善貸而妙門有教滅咎
在於希聲景龍觀者中宗孝和皇帝之所造也曾城
寫質閭苑圖形但名在騫林而韻停鍾籥朕翹情八
素締想九元命彼鼓延鑄斯無射考虞倕之懿灋得
晉曠之宏規廣召鯨互遠徵鳧匠耶溪集寶麗壑收
珍警風雨之辰節昏明之候飛廉扇炭屏翳營鑪翥
鶴呈姿蹲熊發狀角而不震侈而克揚庶其曉散靈
音鎮入鵷鸞之殿夕騰仙韻恒流鳩鶴之闈聳俗聽
而咸痊迷方聞而永悟洪鈞式啓寶字攸鑄共銘曰
紫宸御歷青元樹回傾巖集寶竭府收琬杜夔律應
張永規陳形包九乳儀超萬鈞上資七廟僊延兆人

風巖韻急霜重音新自茲千歲從今億春懸玉京而
薦福侶銅史而司辰
景雲二年太歲辛亥金九
月癸酉金朔一十五日丁亥土鑄成

唐渾儀銘

後魏太史令晁崇修渾儀以觀星象按其儀以永興

四年歲次困敦

原注子也案是歲壬子

創造傳至後魏末入齊

往周隋至于大唐歷年久遠儀蓋傾墜日以太史

原注

也

去景雲三年奉勅重令脩造使銀青光祿大夫

檢校將作少監楊務廉與銀青光祿大夫行太史令

瞿曇悉達正議大夫行太史令李仙宗試太史令殷

知易荆州都督祕書監兼右衛率薛玉銀青光祿大

夫檢校祕書監吳師道正議大夫行祕書少監闕朝
隱等首末共營各盡其思至先天二年歲次赤奮若

原注丑也案是歲癸丑

成其銘曰

周天三萬七千里分寸無欺成歲三百六十日盈縮
有期敬之敬之以授人時

號國公楊花臺銘

并序

唐申屠液

原夫真性卽空從色聲而有相道源無體因法教以
沿流所以人天捨千萬之資神鬼建由旬之塔金衣
紺髮盡留多寶之臺銀疊青蓮並入眞珠之藏湛然
釋氏一千餘年輔國大將軍號國公楊等皆天子貴
臣忠義盡節布衣脫粟將軍有丞相之風牛車鹿裘

驃騎滅中人之產。爰抽淨俸。申莊嚴之事也。華簷覆
像。盡垂交露之珠。玉砌連龕。更飾雄黃之寶。風箏逸
韻。飛妙響於天宮。花雨依微。灑輕香於世界。猶恐蓬
萊。繁變石折。不周。仍鑿。長者之經。必勒輪王之偈。書
工紀事。迺爲銘曰。

昭昭大覺。巍巍聖功。身融剎海。願洽虛空。開衆趣以
室惕。闡元門以包蒙。物成緣而必應。理無幽而不通。
有美至人。股肱良臣。受聖寄狂。聞難經綸。英謀貫士。
韜略通神。一蒙金鉞。屢建華勛。善代不伐。功成不居。
功歸天子。善托真如。乃貢靈相。用荅冥符。佛心雖空。
佛福常在。願普此因。同臻性海。

開元十二年十

月八日判官亳州臨渙縣尉申屠液撰

案此序及銘在西安府花

塔寺分刻序與銘各為一石故於銘前另題云楊將軍新莊像銘著錄金石者多分為二王氏萃編始知其誤今從之去

古井銘

唐趙光乘

天寶九載冬十月尉趙光乘檢校造因勒銘云

費城之井昭然道周土缶舊得石幹今修徵大易之

不改垂一善於千秋末有紹聖四年逢完題字井在

得贛羊之井費即季氏邑此銘前人未載

崑臺銘有序

唐元結

涪溪東北廿餘丈得怪石焉周行三四百步從未申至丑寅崖壁斗絕左屬回鮮前有磴道高八九十尺

下當洄潭其勢硿礧半出水底蒼蒼然泛泛若在波
上石顛勝異之處悉爲亭堂小峯嵌竇宜開松竹掩
映軒戶畢皆幽竒於戲古人有畜憤悶與病於時俗
者力不能築高臺以瞻眺則必山巔海畔伸頸歌吟
以自暢達今取茲石將爲晤臺蓋非愁怨乃所好也
銘曰

湘淵清深晤臺隋陵登臨長望無遠不盡誰厭朝市
羈牽局促借君此臺壹縱心目陽崖礧琢如瑾如珉
作銘刻之彰示後人
有唐大曆二年歲次丁未
六月十五日刻河南元結字次山撰

唐廣銘

唐元結

浯溪之口有異石焉高六十餘尺周回四十餘步西

面在江中

案西篆作幽古文也或釋為山者非

東望崑臺北面臨大淵

南枕浯溪唐廡

即亭字

當序石上異木夾屎

即戶字

疎竹

旁簷瀛州言无諤

即由字

此可信若在廡上目所厭者

遠山清川耳所厭者水聲松歛霜朝厭者寒日方暑

厭者清風於序厭不厭也厭猶愛也命曰唐廡旌獨

有也銘曰

一名之五罌

即寅字

得木土林埜之客所就水石年廼

即將字

五十始有唐廡愜心自適與世忘情廡旁石上

篆刻此銘

有唐大

曆

貳年歲次戊申閏六月九

日

東厓銘

唐元結

崕臺西面，敝伎高迥。在唐亭為東厓，下可行坐八九人。其為形勝，與石門石屏亦猶宮羽之相資也。銘曰：崕臺蒼蒼，西厓雲端。亭午厓下，清陰更寒。可容枕席，何事不安。

大岷山銘

唐洪經綸

登於大岷，俞古文所經過。頂凸坤儀，根壓洪河。天生

忠良，濟物宏多。山靈河神，俾環海戢戈。

唐建中元年四月廿六日，勅魏博成德幽州等道黜

陟使諫議大夫洪經綸題。石刻在黎陽山，以黎陽為大岷，承臣贊之誤。大岷當

在今汜水不在濬縣也

唐濟瀆廟北海壇二所新置祭器沈幣雙舫雜

物之銘 并序

唐張洗

有唐六葉海內晏然偃革■儒宗乎祀典封茲瀆為
清源公建祀於泉之初源也置瀆令一員祝史一人
齋郎六人執魚鑰備灑掃其北海封為廣澤王立壇
附於水之濱矣天子以迎冬之日命成周內史奉祝
文宿齋毳冕七旒五章劍履玉珮為之初獻縣尹加
繡冕六旒三章劍履玉珮為之亞獻邑丞元冕加五
旒無章亦劍履玉珮為之終獻用三牲之享邦之大
事先在祀乎濯纓不才謬領茲邑下車入廟每事皆
問主者有云俎豆素闕弊難悉數其尤者有五北海

望壇臨事壘土朽椽一歲而費數金爲勞之甚其弊一也二所祭器凡百有二十二事至時請於上察轉轂入洛去來三百餘里仍以稅緡酬之積有歲時不知窮極其弊二也沈幣雙舫又以車取沁河渡口之舟往返之勞結綵之飾其弊三也兩壇位席百領有餘戶至誅求爲擾非潔其弊四也牀榻乃至七箸器用之類門到斂索事終存亡大半其弊五也既革前弊輒爲之銘銘曰

寤寐求思如神有知大風離披壞木於斯人吏驚馳

念茲悟茲

前年夏及今年春大風壞楸槐數株因用此材而爲祭器兼沈幣之舫也爲余

有意廟中無備沈幣雙舫二壇祭器子來悅使所借

皆遂觀者闐闐事無闕焉刻之於石以俟後賢是時也貞元十有三年朝散大夫行河南府濟源縣令張洗字濯纓撰

軒轅黃帝鑄鼎原碑銘

并序

唐王

顏

惟天爲大惟帝堯則之惟道爲大惟黃帝得之南華經曰道神鬼神帝生天生地黃帝守一氣衍三墳以治人之性命迺鑄鼎茲原鼎成上升得神帝之道原有爲谷之變銘紀鑄鼎之神銘曰

道匪神帝帝在子人大哉上古軒轅爲君化人以道鑄鼎自神漢武秦皇仙冀徒勤去道日遠失德及仁恭惟我唐元德爲鄰方始昌運皇天所親唐與茲原

名常鼎新

虢州刺史太原王顏撰華州刺史兼

御史中丞陳郡袁滋籀書唐貞元十七年歲次辛巳
正月九日癸卯建

南溪元巖銘

并序

唐李

涉

桂爲郡也巖其先之有井室人民百千祀矣居是邦
者匪哲則豪何四三里之內而巖不載於前籍爲巖
將屈於古而合伸於今哉爲人未知其巖巖俟人以
時哉青溪子昧而未詳也予之仲曰渤受天雅性生
不雜玩少嘗讀高士傳列仙經遊衡霍幽遐之境巢
嵩廬水石之奧凡俗所覲必皆礪磨大璞翦鑿遺病
意適而制非主於名寶歷初自給事中出藩於桂一

之年治鄉野之病二之載搜郭郭之遺得隱山元巖
冥契素尚余因謫去炎海途由桂林巖之勝再遂其
賞勒銘洞石表遠跡於他年銘曰

桂之有山潛靈億年拔地騰霄戟列刀攢巖之有洞
窈窕鬱盤虎挂龍懸形狀萬端威馳杳冥仰沓嶺岿
玉落磬墜幽聲晝寒巴陵地道小有洞天文籍之聞
吾何有焉酒一卮兮琴一曲岿巖之下可以窮年

青溪子李涉

後浯溪銘

唐王邕

巋然岵臺枕於祁陽迥然楚方臨於瀟湘孤標一峯
不止百尺嵯峨巨峻■潔堪礪英才別業雅有儒風

河南元公高卧其中位爲獨坐人不知貴興愜茲地
心閑勝事松花對偃薜葉交垂鑿巘作遠因泉漲池
乃構竹亭乃葺茅宇羣書當戶靈藥映圃嘉賓駐舟
愛子能文弄琴對雲酒熟蘭薰何必磻溪方可學釣
何必衡嶠方可長嘯我牧此郡契於幽尋刻銘山岑
敢告烟林

修養雜訣氣銘

一氣未分三才同源清濁既異元氣各存天法象我
我法象天我命在我不在於天昧用者天善用者延
性和志寂守一神閑靈芝在身不在於山返一守和
理合元元精極乃明神極乃靈氣極乃精無氣乃冥

因氣而衰。因氣而榮。因氣而死。因氣而生。喜怒亂氣。性情交爭。擁搆成患。神形豈靈鍊陽銷陰。其氣自行。以正遠邪。其患自平。乾坤澄淨。子後午前。閉目平空。握固冥然。納息虛中。吐息天關。入息微微。出息絲絲。以意引氣。臟腑迴旋。然後呵之。榮衛通宣。但有不和。遣之踵前。五呵六呵。無疾不蠲。凡欲胎息。導引爲先。經脉不擁。關節不煩。或如射雕。側身彎環。或舉腰膝。如蟾半圓。交匝腦後。左旋右旋。勁展兩足。氣出指端。擺掣四肢。捉搦三關。熟摩尺澤。氣海亦然。叩齒集神。合眸固關。真心忘形。任意往還。覺氣調勻。擁塞喉閒。擁氣則咽。三五相連。轉舌漱入。咽下丹田。以意送之。

令聲汨然一咽三咽再咽如前三十六咽胎息成焉
大道無爲爲於無爲不爲爲爲莫若無爲不思爲思
莫若無思萬法自然不假施爲不寒不熱不渴不飢
恬淡無爲以道自怡妙中之妙微中之微懷道君子
銘之佩之

唐鏡銘

絕照覽心圓輝矚面藏寶匣而光掩挂玉臺而影見
鑿羅綺於後庭寫衣簪乎前殿

又

團團寶鏡皎皎昇臺鸞窺自儷照日花開臨池似月
覩兒嬌來

又

月掾團圓水掾清，好將香閣伴閑身。青鸞不用羞孤影，開匣當如見故人。

許長史井銘

徐鉉

長史含道棲真九天人，非邑改丹井存焉。射茲谷鮒，冽彼寒泉。分甘玉液，流潤芝田。我來自西，尋真紫陽。若愛邵樹，如升魯堂。敬刊翠^珍，永識銀牀。噫嗟後學，挹此餘光。此銘集內未載

盧縣說性亭銘

宋申革

我饗皇澤，粵自前年。罷秩浙右，宰邑河邊。下車餘月，曾不怡顏。蓋其公舍，曷陋非全。俄選隙地，構亭成閒。

茅覆其上，莎植其前。南瞻巨浸，西逼深泉。北依綠樹，東對青山。周回顧望，景色相連。自公之暇，據此幽閑。命題說性，孰謂不然。勒銘因事，萬世緜緜。

皇宋淳化二年十月廿日立。碑在陽穀安樂鎮山左。金石志缺載，子始訪得。

故存其文

泰山天門銘

元杜仁傑

元氣裂，兩儀具。五岳峙，真形露。惟岱宗，儼箕踞。仰彌高，屹天柱。浩千劫，室來去。誰為鑿，起天慮。非斤斧，乃祝詛。一竅開，達底處。十八盤，盤千步。薺初吐，抱圍樹。日車吳，慘曦馭。六龍頽，莽迴互。踏此往，嘉無數。無懷下，兵刑措。七十君，接鑾輅。聖道熄，彝倫斲。揖讓歇，篡

奪屢忽焉闔梗無路象緯森勅訶護朝百靈由茲戶
金璀璨朱閤布九虎蹲萬夫怖我欲叩闈者怒闈何
時坦如故對冕旒獲控愬豁蒙蔽泄塵霧刮政疵剔
民蠹上得情下安作額血殫帝聰悟崖不磨蒼壁豎
刻我銘期孔固垂萬世正王度

續古文苑卷第十四

續古文苑卷第十五

賜進士及第授通奉大夫山東通省督糧道加三級孫星衍撰

碑志一

三公山碑

元初四年常山相隴西馮君到官承饑衰之後衆惟三公御語山三條別神迴在領西吏民禱祀興雲膚寸徧雨四維遭離羌寇蝗旱鬲斥民流道荒黥祠希罕敬奠不行由是之來和氣不臻乃來道要本規其原以三公惠廣其靈尤神處幽道艱存之者難卜擇吉土治東就衡山起堂立壇雙闕夾門薦牲納禮以當其神神熹其位甘雨屢降報如景響國界大豐穀

斗三錢民無疾苦永保其年長史魯國顏浮五官掾
閻格戶曹史紀受將作掾王籥元氏令茅匡丞吳音
廷掾郭洪戶曹史翟福工宋高等刊石紀焉翁氏釋文規誤

作視衡山上脫就字

漢滎口石門碑

漢邊韶

惟陽嘉三年二月丁丑使河隄謁者王誨疏達河川
適荒庶土往大河衝塞侵齧金堤以竹籠石葺土而
為塼壞隕無已功消億萬請以濱河郡徒疏山采石
壘以為障功業既就徭役用息辛未詔書許誇立功
府卿規基經始詔策加命遷在沅州乃簡朱軒授使
司馬登令纘茂前緒稱遂休功登以伊洛合注大河

南則緣山東過大伾。回流北岸。其勢鬱濛。濤怒湍急。激疾一有決溢。彌原淹野。蟻孔之變。害起不測。蓋自姬氏之所常蹙。昔崇鮐所不能治。我二宗之所劬勞。於是乃跋涉躬親。經之營之。比率百姓。議之於臣。伐石三谷。水匠致治。立激岸側。以捍鴻波。隨時慶賜。說以勸之。川無滯越。水土通演。役未踰年。而功程有畢。斯乃元勲之嘉課。上德之宏表也。昔禹修九道。書錄其功。后稷躬稼。詩列於雅。夫不憚勞謙之勤。夙興厥職。充國惠民。安得湮沒而不章焉。故遂刊石記功。垂示於後。其辭云云。案酈氏云石銘歲遠字多淪缺其所滅蓋闕如也謂此使河隄謁者山陽東緡司馬登字伯志代東萊曲成王誨

字孟堅河內太守宋城向豹字伯尹丞汝南鄧方字

德山懷令劉丞字季意河隄掾匠等造陳留浚儀邊

韶字孝先頌碑云陳留邊韶字孝先頌漢人立碑之

河南則緣山東過大任足證漢人所言大任在成泉不如臣贊以黎陽山當之也

敦煌太守裴岑紀功碑

惟漢永和二年八月敦煌太守雲中裴岑將郡兵三

千人誅呼衍王等斬馘部眾克敵全師除西域之虞

同蜀四郡之害邊竟艾安振威到此立海祠以表萬

世海祠言祠在西海或作德祠誤

濟陰太守孟郁修堯廟碑

漢永康元年月惟昔帝堯聖德慶苞宏號赫

赫蕩蕩垂基赤精之胃爲漢始別陵氣炎燭上交倉
元魏魏之盛乾川見徵敬修宗壑長吏奉祠三牲粢
饌獻珍于時俵著燿銘宣颺厥休乃招禎祥萬是
來鴻名遂顯傳于千秋
濟陰太守河南偃陟孟府君諱郁字敬達治尚書經
博覽衆文天姿瑋度體性溫仁闕極道之要妙游觀
六藝之原撮旋機之政務在濟民厯典六郡威教若
神遺訓垂歌淵懿允純功績煥炳恩如浩倉咨招巖
穴股肱賢良廣祈多福雯雯夙興聞帝堯陵在成陽
遣戶曹掾史具中宰祠常以甲子曰與西宮樂生俱
詣大聖陳上古之禮舞先王之樂鞀磬祝圖五音

之儀莫不盡備。敷列技藝以榮大聖。延熹十
年仲春二月。陽氣浸陰。始雩。來享祀羣神。仰瞻雲
漢。孟府君奉宜詔書。行縣到成陽。將辭帝堯。行禮未
周。則景雲四集。翔風膏雨。卽時大降。嘉樹優沾。利茂
萬物。陰陽和協。百姓賴福。是時欣然悅諸產
繁殖。倉庾充塞。孟府君深惟響應。效之經典。知聖堯
精靈與天通神。修治。塹地致墉。堦石闌二坐。昭
配帝圖象。規柜五。畫上下相承。無所遺失。陟工
旌密有班道之巧。使府內百石。城吳諱升字三君
守衛園陵。興置屋。詔書大祠。升與縣令丞恭奉肅
敬。齊絜炊爨。莫不雍雍。列種柏樹。吏卒養護。南通靈

臺東注城域委曲白而輝然望圖紀萬世功驗永

著時令河南河南呂君諱亮字元山宰政宣化慈惠

博覆為藜元來福奉事大聖司司不解垂拱無為如

治案今本隸釋誤治為始據洪文惠跋其允君也丞

河內州王諱萇字伯盛左尉潁川潁陽諱棺字世

高皆關綜睢藝通洞運度詢于上下僉然同謀因孟

府君飭治大壑自率掾史駐駕便坐南北望

表內相副赫如屋楮蘭然成就孟府君必受大聖嘉

福公侯傳子孫濟陰吏士歌術功稱萬世常存成陽

丞民蒙其榮賜訓發聲呂君諸燧干祿于天令裕

衍尊永派无窮

惟序仲氏祖統所出本繼於姬周之遺苗天生仲山甫翼佐中興宣平功遂受封於齊周道衰微失爵亡邦後嗣乖散各相土譯居帝堯萌兆生長葬陵在於成陽聖化常存慕魏魏之盛樂風俗之美遂安處基業屬都鄉高相里因氏仲焉以傳于今子孫承緒履仁好義耽樂道術教授經業雍徒帶衆滋滋汲汲誨人不倦海內稱之曰馮術之宗天監孔明祚善應印紼相承銀艾不絕稟性乾元世世廉約故能高如不危滿如不溢孟府君繕飭殿牆立百石舍仲氏宗家共作大壑前石礫階陞櫺楯貧富相扶會計欣懼不謀同辭錢應時卽具招工募石燿然俱至各進琦

巧不日成之詔書九月三往天祠諸所造作煥然成
就仲氏宗家並受福賜復刊碑勒誅昭示來世表
孟府君美勛於陽賦疑尋字作財紀祖禪所出
官位宦學皆不可測子子孫孫必蒙大聖休烈之
以勸後進昌熾無極

淳于長夏承碑

君諱承字仲爽東萊府君之孫大尉掾之中子右中
郎將弟也累葉牧守印紱典據十有餘人管德任其
位名豐其器是故寵祿傳于歷世策薰著于王室君
鍾其美受性淵懿含和履仁治詩尚書兼覽羣藝靡
不尋暢州郡更請屈已匡君為主薄督郵五官掾功

曹上計掾守令冀州從事所在執憲彈繩糾枉忠絜
清肅進退以禮允道薦愛先人後己克讓有終察孝
不行大傅胡公歆其德美旌招俯就羔羊在公四府
歸高除淳于長到官正席流恩褒譴糾姦示惡旬月
化行風俗改易幡軒六轡飛躍臨津不日則月皓天
不弔殲此良人季五十有六建寧三季六月癸巳淹
疾卒官嗚呼痛哉臣隸辟踊悲動左右百姓號咷若
喪考妣啜孤憤泣切怛傷摧勒銘金石惟以告哀其
辭曰

於穆皇祖天挺應期佐時理物紹縱先軌積德勤約
燕于孫子君之羣感並時繁祉明明君德令問不已

高山景行，慕前賢，別庶同如蘭，意願未止，中遭寃天，不終其紀，夙垂賈祚，早喪懿寶，抱器幽潛，永歸蒿里，痛矣如之，行路感動，黨魂有靈，烝後不朽。

成陽靈臺碑

惟帝堯母，昔者慶都，兆舍穹精，氏姓曰伊，體蘭石之操，履規矩之度，則乾川之象通，三光之曜游，觀河濱，感赤龍交如生，堯厥後，堯來案當是求字，祖統慶都，告以河龍，堯歷三河，有龍授圖，躬行聖政，以育苗萌，火陽之盛，先閭後明，遂以侯伯，迓踐帝宮，慶都僊歿，蓋至于茲，欲人莫知，名曰靈臺，上立黃屋，堯所奉祠，下營以水，神龍所燾，靈龜隱刑，汾踊波流，比目鯨魚，濯鱗

通泉元礫菀蘆生。逆臺涯貫長。歷久崇如■■三代。
改易荒廢不脩。五運精還。漢受濡期。興威繼絕。如堯
爲之承祠。基年鮪魚復生。故有靈臺。耆夫魚陟。衛仕
驛憲鮪魚服之。逆壽■■之際。道小衰沮。遂遭亡新。
禮祠絕矣。於是故廷尉仲定深惟大漢隆盛。德彼四
表。太平未至。靈瑞未下。四夷數侵。軍甲數擾。匪皇啓
居。日禋不夏。案經孝典。河洛祕奧。漢感赤龍。堯之首
胄。當脩堯祠。追遠復舊。復治黃屋。推原聖意。災生變
見。天以譴告。前後奏上。陳敘大義。招祥塞咎。爲漢來
祚。朝廷克省。帝納其謀。歲以春秋。奉大宰祠。時廷尉
迭位。連自兩漢金石記云所見重刻表奏。詔英嘉命。

迭位連自

兩漢金石記云所見重刻

表奏詔英嘉命

遂見聽■為大中大夫歸治黃壑令月吉日圖立

規塋興業會工厥靈夷平土合天意下應■

飭五色華精上重刻木闕通天戶嚮少陽前設大

壑俟神之堂地致石墀其下清涼可舞儿■以■大

章時濟陰太守魏郡審晃成陽令博陵管遵各遣大

掾輔助仲君經之營之不日成之神靈精氣依怙於

人廢之則亡存之則神復帥羣宗貧富相均共慕市

碑著立功訓■勒石銘中門之表上擇元日齊革精

誠先薦毛血謹慎犧牲祈祠獲福神享其靈甘雨時

降百穀孰成幽荒率服徐方來庭萬國蒙祉犁元賴

榮莫不被德咸歌頌聲其辭曰■

於赫慶都德彊大兮承神精燿統赤裔兮爰生聖堯
名蓋世兮上受符命迓帝制兮廣彼之恩流荒外兮
厯紀盈千垂遺愛兮陵廟復崇享大祭兮上來多怙
降福沛兮萬國禱靈孰不賴兮光宣美勛永■罄兮
垂視冈極億萬歲兮

濟陰太守魏郡陰安審君諱晃字元讓從公車令來
成陽令博陵蠡吾管君諱遵字君臺從東明門司馬
來丞潁川新汲尹茂字伯舉遷下邳尉尉潁川襄城
楊調字君舉仲訢伯海從右中郎將遷鉅鹿太守仲
球伯儀從大尉掾遷呂長仲選孟高辟司徒府遷徙
不絕皆興治大聖黃屋之力

建寧五年五月造

司隸校尉楊淮碑

故司隸校尉楊君厥諱淮字伯邳舉孝廉尚書侍郎
上蔡雒陽令將軍長史任城金城河東山陽太守御
史中丞三爲尚書尚書令司隸校尉將作大匠河南
尹伯邳從弟諱弼字穎伯舉孝廉西鄂長伯母憂去
官復舉孝廉尚書侍郎遷左丞冀州刺史大醫令下
邳相元弟功德牟盛當究三事不幸早隕國喪名臣
州里失覆二君清頌約身自守俱大司隸孟文之元
孫也

黃門同郡卞玉字子珪以熹平二年二月廿二日謁

歸過此追述勒銘故財表記財即昇字或誤釋為財

武都太守耿勲碑

漢武都太守右扶風茂陵耿君諱勲字伯瑋其先本
自鉅鹿世有令名為漢建功俾侯三國卿守將帥爵
位相承君迄于君君敦詩說禮家仍典軍歷難和戎
武慮慷慨君得奉貢上計廷陳惠康安邊之謀上納
其謨拜郎上黨府丞掌令考績有成符英乃洪闕肥
熹平二年三月六日郎洪癸酉到官奉宣詔書哀閔垂恩
猛不殘義寬不宥姦喜不縱慝威不戮仁賞恭罰否
畀主洪闕今補奧流其於統系洪闕今補寵存贈亡篤之至也
歲在癸丑厥運淫雨傷害稼穡率土普議開倉振澹

身冒炎赫火星之熱至屬縣巡行窮匱陟降山谷經

營拔涉草止露宿扶活履洪闕今補兩漢金餐洪作

改千有餘人出奉錢市洪誤作洪誤衣賜給貧

乏發荒田耕種賦與洪闕寡獨王佳小男楊孝等三

百餘戶減省貪吏二百八十人勸課洪勉趨時百姓樂

業老者得終其壽幼者得呂全育甘棠之愛不是過

矣又開故道銅官鑄作錢器興利無極外羌且居洪闕

今等佈威悔惡重譯乞降修治狹道分子効力復大

洪闕此小民洪如得衆地之歡心可謂印之若明神

者已夫美政不紀人無迷焉國人僉洪誤嘆刊勒斯

石表示無窮其辭曰洪誤

秦華惟岳神曜吐精育茲令德既喆且明寔謂耿君

天胙顯榮司牧莅政布化惟成柔嘉惟則穆如風清

勤卹民隱拯阨扶傾匪今洪闕皇啓處字洪闕二東撫西

征赤子遺慈曰活曰生山靈挺寶匈灾今洪闕乃字洪誤

平愷悌父母民賴曰寧熹平三年四月廿日壬

戌西部道橋掾下辨李禔造此碑校隸續有不同及多出者詳每字下

豫州從事尹宙碑

君諱宙字周南其先出自有殷迺迄于周世作師尹

赫赫之盛因以為氏吉甫相周宣勛力有章文則作

頌武襄獫狁二子著詩列于風雅及其元孫言多世

事景王載在史典秦兼天下侵暴大族支判流僊或

居三川或徙趙地漢興以三川爲穎川分趙地爲鉅
鐘故子心騰於楊縣致位執金吾子孫以銀艾相繼
在穎川者家于僞陵克續祖業收守相亞君東平相
之元會稽大守之曾富波侯相之孫守長社令之元
子也君體溫良恭儉之德薦親於九族恂恂于鄉黨
交朋會友貞賢是與治公羊春秋經博通書傳仕郡
厯主簿督郵五官掾功曹守昆陽令州辟從事立朝
正色進思盡忠舉衡以處事清身以厲時高位不以
爲榮卑官不以爲恥含純履軌秉心惟常京夏歸德
宰司嘉焉季六十有二遭離寢疾熹平六年四月己
卯卒於是論功敘實宜勒金石乃作銘曰

於鑠明德于我尹君龜銀之冑弈世載勛綱紀本朝
優劣殊分守攝百里遺愛在民佐翼牧伯諸夏肅震
當漸鴻羽為漢輔臣位不福德壽不隨仁景命不永
早即幽昏名光來世萬祀不泯

溧陽長潘乾校官碑

蓋漢三百八十有七載于銘功著

斯金石其誄曰

溧陽長潘君諱乾字元卓陳國長平人蓋楚太傅潘

崇之末緒也君稟資南霍洪闕今補之禔洪闕天洪闕字洪闕今依

單禧釋文兩漢金石記德之絕捺髻髦克洪闕依敏

砥洪闕今補學典謨祖講詩易剖演奧藝外覽百氏

洪作
家 衆儁洪闕依單釋兩挈聖抱不測之謀秉高世

之介屈私趨公卽仕佐上郡位既畢洪作重孔武赴箸

疾惡義形從風征暴執訊獲首除曲阿尉禽姦莪猾

寇息善歡履菰竹之廉蹈公儀之絜察廉除茲初案此

字當作刻視碑實爲初未詳 厲清肅賦仁義之風脩洪闕今補作達

口之迹密化放虜岐周流愛雙虜洪闕親取寶智進

直退慝布政優優令儀令色獄無呼噉之冤壅無叩

匈之結矜孤頤老表孝貞節重義輕利制戶六百省

無正繇不責自畢百姓心歡官不失實於是遠人聆

聲景附樂受一廛既來安之復洪闕依役三年惟泮

宮之教反失洪闕依俗之禮構修學官洪作宗懿招

德既安且

洪作呂依單釋改

寧干侯用張匱豆用噉發彼有

的雅容

閑鍾磬縣矣于肯樂焉乃作敘曰

翼翼聖慈惠我葦蒸貽我潘君平茲溧陽彬文趙武

扶弱抑疆龕

洪闕今補

劉顓雄流惡顯忠咨疑元老師啟

作朋修學童冠琢質繡章實天生德有漢將興尚且

在昔我君存今

洪闕依單釋

此龜艾遂尹三梁永垂支

百民人所彰子子孫孫卑尔熾昌

丞沛國銓趙勳字萼伯左尉河内汲董並字公房右

尉鶚章南昌程陽字孝遂

時將作吏名戶曹掾楊淮議曹掾李就議曹掾梅

桓依單釋改

檜戶曹史賀

從掾位侯祖主記史吳超門

下史吳訓門下史吳翔門下史時球

光和四季十月己丑朔廿一日己酉造

此碑校隸釋有不相同及多

出者詳每字下反失俗之禮建康志作泐拾之禮視碑實為失俗元至順癸酉濟陰單禧釋文是矣

邵陽令曹全碑

君諱全字景完敦煌效穀人也其先蓋周之胄武王

秉乾之機翦伐殷商既定爾勲福祿攸同封弟叔振

鐸于曹國兩漢金石記因氏焉秦漢之際曹叅夾輔

王室世宗廓土庠竟子孫遷于雍州之郊分止右扶

風或在安定或處武都或居隴西或家敦煌枝分葉

布所在為雄君高祖父敏舉孝廉武威長史巴郡胸

忍令張掖居延都尉曾祖父述孝廉謁者金城長史

夏陽令蜀郡西部都尉祖父鳳孝廉張掖屬國都尉
丞右扶風隃麋侯相金城西部都尉北地太守父琫
少貫名州郡不幸早世是以兩漢金石記位不副德
君童齷好學甄極毖緯無文不綜賢孝之性根生於
心收養季祖母供事繼母先意承志存亡之敬禮無
遺闕是以鄉人爲之諺曰重親致歡曹景完易世載
德不隕其名及其從政清擬夷齊直慕史魚歷郡右
職上計掾史仍辟涼州常爲治中別駕紀綱萬里朱
紫不謬出典諸郡彈枉糾邪貪暴洗心同僚服德遠
近憚威建寧二年舉孝廉除郎中拜西域戊部司馬
時䟽勒國王和德弒父墓位不供職貢君興陟征討

有宛臞之仁分醪之惠攻城野戰謀若涌泉威牟諸賁和德面縛歸死還師振旅諸國禮遺且二百萬悉以薄官遷右扶風槐里令遭同產弟憂棄官續遇禁岡潛隱家巷七年光和六年復舉孝廉七年三月除郎中拜酒泉祿福長詆賊張角起兵幽冀兖豫荆楊同時並動而縣民郭家等復造逆亂燔燒城寺萬民騷擾人裏不安三郡告急羽檄仍至于時聖主諮諏羣僚咸曰君哉轉拜郃陽令收合餘燼芟夷殘迸絕其本根遂訪故老商量案碑陰云縣三老商量伯祺僦艾王敞王畢等恤民之要存慰高年撫育鰥寡以家錢糴米粟賜瘠盲大女桃斐等合匕首藥神明膏親至離亭部

吏王臯

案此臯字也各家釋作宰非

程橫

案碑陰云故市掾程橫孔休益橫璜同字耳

等賦與有疾者咸蒙瘳悛惠政之流甚於置郵百姓

緝負反者如雲戢治廡屋市肆列陳風雨時節歲獲

豐年農夫織婦百工戴恩縣前以河平元年遭白茅

台水灾害退於戊亥之間興造城郭是後舊姓及修

身之士官位不登君乃閱縉紳之徒不濟開南寺門

承望聿嶽鄉明而治庶使學者李儒

案碑陰云徵博士李儒文優

變規程寅等各獲人爵之報廓廣聽事官舍廷曹廊

閣升降揖讓朝覲之階費不出民役不于時門下掾

王敞錄事掾王畢

案碑陰云故門下掾王敞元

主簿

王厯戶曹掾秦尚

案碑陰云故功曹秦尚孔都

功曹史王顓等嘉

慕奚斯考甫之美，乃共刊石紀功。其辭曰：懿明后，德義章，貢王庭，征鬼方。威布烈，安殊荒。還陟旅，臨槐里。感孔懷，赴喪紀。嗟逆賊，燔城市。特受命理，殘圯芟不臣。寧黔首，繕官寺。開南門，闕嗟峨。望峯山，鄉明治。惠沾渥，吏樂政。民給足，君高升。極鼎足，中平二年十月丙辰造。

秦君碑

余聞湯武千載，周孔異世，以義相高。况余忝祿，踐跡遵基，竊慕揚善，喟然而嘆。其鄙辭曰：

於穆秦君，命世優邁，承祖皇。裔出畢，紀行錄功。必本其初，惟君總角，勵志仲尼。從容六藝，佃田疇。

升階英妙轉典蒸黎爲政崇博五教並和仁賢敘位
法依蕭何囹圄空虛鄉無逋逃凡百肅雍莫不率從
境內旣寧路不資遺耕夫千畝餘種不歸立清介白
食茹拔葵三年有成嬰兒謠歌鼓腹喜德踊躍嘔唏
水靜魚集國富民繁戶增十倍牧守孔嘉怒不斷刑
寬不容非化准邠邵比翮而飛永如南山不缺不虧
畧取大較丹書刻石垂示後昆識者察焉碑在滕縣今不存蓋近歲失之也

靈帝河間舊廬碑

漢張超

赫赫在上陶唐是承繼德二祖四宗是憑上龜鑒乎
義農中結軌乎夏商元首旣明股肱惟良乃因舊宇

福德所基修飾經構農隙得時樹中天之雙闕建冠
山之華堂通樓閒道丹階紫房金牕鬱律玉璧內瑄
青蒲充庖朱草棲箱川魚踴躍雲鳥舞翔煌煌大漢
合德乾綱體効日月驗化陰陽格于上下震暢八荒
三光宣曜四靈効祥天其嘉享豐年穰穰騶虞奏樂
鹿鳴薦觴工祝致告福祿來將永保萬國南山無量

魯夫子碑

漢 禰衡

受天至精純粹睿哲崇高足以長世寬容足以廣包
幽明足以測神文藻足以辨物然而敏學以求之下
問以諏之虛心以受之深思以詠之愍周道之迴適
悼九疇之乖悖故發憤忘食應聘四方魯以大夫之

位任以國政之權，譬若飛鴻鸞於中庭，聘騏驥於閭巷也。是以期月之頃，五教克諧，移風易俗，邦國肅焉。無思不服，懿文德以紆餘，綴三五之紀綱，流洪耀之休赫，曠萬世而揚光。夫文明以動，天則也；廣大無疆，地德也；六經混成，洪式也。備此三者，聖極也。合吉凶於鬼神，遂殂落於夢寐，是以風烈流行，無所不通。故立石銘勛，以示昭明。辭曰：

煌煌上天，篤降若人。邈矣悠哉，千祀一鄰。明德宏監，情性存存。奕奕純嘏，稽憲乾坤。曜彼靈祇，以訓黎元。終日乾乾，配天之行。在險而正在困，而亨窮達之運。委諸穹蒼，日月則陰。天地不光，聖叡殂崩。大猷不綱。

顏子碑

漢 禰衡

稟天地之純和，鍾岳瀆之休靈。睿哲之姿，誕自初育。英絕之才，顯乎嬰孩。在束脩之齒，入宣尼之室。德行邁於三千，仁風橫於萬國。知微知彰，聞一覺十。用行舍藏，與聖合契。名爲四友之冠，實盡疏附之益。爾乃安陋巷，挹清流。甘簞瓢以充飢，雖屢空而不憂。于時河不出圖，周祚未訖。仲尼無舜禹之功，先生包元凱之烈。其辭曰：

亞聖德，蹈高蹤。遊洙泗，肅禮容。備懿體，心彌沖。秀不實，振芳風。配聖饋，圖辟雍。紀德行，昭罔窮。

吳九真太守谷朗碑

府君諱朗字義先桂陽耒陽人豫章府君之曾孫公
府君之孫郎中君之子也其先世自顓頊益爲舜虞
賜姓嬴氏至于屍子封於秦谷因而氏焉君承洪原
之清流稟弈世之高素履道思順德行純備三歲喪
母十一亡父獨與弟居承奉繼親和顏悅色孝友溫
恭曾閔之操君其蹈焉弱冠仕郡歷右職守陽安長
淑問宣深遂升王府除郎中尚書令史郡中正遷長
沙劉陽令播渥惠以育物垂仁恩以布化莅政末期
徵拜立忠都尉尚書郎靖密樞機名冠衆僚此二字今釋
遷部廣州督軍校尉正身率下不畏彊御深清蕩濁
萬里肅威此字今釋功成辭退拜五官郎中遷大中正平

衡清格，繇倫攸，敘于皆。此字今釋交州竊邑，判國戎車，婁

起。此二字今釋干戈未戢，帝思碑。又訓咨羣司，僉以君往

部南州，威恩素著。此二字今釋遷九真太守，君稟明德，所

歷垂勲，宜延遐紀。光讚。此字今釋皇家如何不永，春秋五

十有四，鳳皇元年四月乙未，寢疾而卒，嗚呼哀哉。凡

百君子，莫不嗟痛，乃立碑作頌，以顯行績。其詞曰：

於鑠府君，稟性元通，積行闡闕，九族睦雍。羽儀上京，

德與雲騰，入蹈丹墀，夙夜靖恭，出撫梨民。風移俗興，

名參豹產，勲齊往縱，當永黃耆，翼佐帝庸。昊天不弔，

哲人其終，濟濟縉紳，靡瞻靡宗，勒茲元石，永光無窮。

案歐趙著錄皆有此碑，至翁氏兩漢金石記始載全文，今以拓本釋其所缺，并改訛錯。

故使持節侍中太傅鉅平成侯羊公碑

晉李興

公諱祐字叔子泰山南城人也其先晉羊舌大夫之
胄當漢中興始自南陽家于岱野纓冕相繼九世于
茲矣顯祖南陽太守考上黨太守咸有能名公承俊
烈之高風應明哲之盛代德擅規模仁成慈惠其器
量宏深容度廣大浩浩乎固不可測已其志節言行
卓爾不羣遊神元默散志青雲卷之以道籍博之以
藝文于是仁聲遠耀芳風遐流年十有七上計吏察
孝廉州辟不肯就羣公休之四府並命盤桓累載及
公車徵拜中書侍郎祕書監于時當晉之盛明揚英

俊乃引公爲相國從事中郎遷中領軍遇革命之期
任受禪之會秉文經武以集大晉之祚皇采增輝帝
威遠邁偉絕代之風去唐虞之緒帝嘉厥庸疇以大
國公乃逡巡固讓裁居小邦天子俞咨仍復公中軍
將軍散騎常侍內釐王度外綏區域嚴恭寅畏帝命
允飭運國威于句陳握皇樞于紫極于時之盛未有
上公者也拜衛將軍尚書僕射以揆天機崇成大業
帝道緝熙泰階永肅以江寇未夷乃命公都督荊州
諸軍侍中車騎將軍開府辟命乃養民募財開斥國
界創築五城以防寇衛境然後闡敷皇風懷遠以德
知大同之業思王道之則齊其土人均其利澤軍無

虞警民不疲勞農功盈疇百姓布野羣黎被德殊俗望風吳人感服襁負而至者四萬餘口進位征南大將軍公雖享有茅土厯登台階吐飡下士貳於姬公方將殫彼戎吳經國弔民然後偃甲戢兵辭功退身以優遊乎初好此公之素志也會邁篤疾春秋五十有八咸寧四年十有一月庚寅薨于京邑天子痛悼遣使持節追贈侍中太傅南城侯印綬賻弔加于常也及其葬上親臨過車騎諡曰成侯天子以公德高勛大而屢辭封爵故復建南城之國特以封公公哲讓終始上未之許及其薨也夫人夏侯氏追公公克讓之志遂不以斂公自出身以至于終忠言不輟于口

嘉謀不廢于心。成其業。不處其功。勤其勲。不榮其祿。儀型言行。動爲世範。暨六年春。平吳策。詔曰。故太傅鉅平侯羊祜。造建平吳之規。潛謀遠畧。與衆殊慮。勲業不遂。然蕩滅之計。悉如祜策。固能夷曠世之寇。拯黎民之患。勲烈宏著。而寵不逮身。其遣使以克定之功。策告祜廟。昔漢氏封蕭何夫人爲侯。以崇顯元功。亦古之令典。封祜夫人爲萬歲鄉君。食邑五千戶。賜絹萬疋。于是故吏高文。奚廉等。僉以公德高而志卑。位優而行恭。徽猷被于江漢。懿德及於羣生。涉其風者。貧夫廉懦。夫立。雖夷惠之操。奮乎百世。曷以尚之。竒謀潛畧。清功遺緒。靡所寘心。乃共揭石。刊勒盛軌。

永表風烈焉其辭曰天臨有晉乃降皇輔猗歟惟公
 應期協矩聰哲神睿乃文乃武曰唐曰虞淵淵其度
 翼翼其明孝思以形乃耀高風辭爵讓榮為而不有
 志凌太清如何不弔中年殞
 末刊是表是旌案李興所撰羊公碑
久漫滅再書于梁大同重立于唐大中三鐫于宋景
 祐而元人周伯温又摹而樹之今之存者則宏治十
 四年重立者也府志以碑為李與初撰蓋由誤讀者舊記又訛興為與耳

太公呂望表

晉 盧无忌

齊太公呂望者此縣人也遭秦燔書史失其藉至大
 晉受命吳會既平四海一統太康二年縣之西偏有
 盜發冢而得竹策之書書臧之年當秦坑儒之前八

十六歲其周志曰文王夢天帝服元襪以立於令狐之津帝曰昌賜汝望文王再拜稽首大公於後亦再拜稽首文王夢之之夜太公夢之亦然其後文王見太公而訓之曰而名爲望乎荅曰唯爲望文王曰吾如有所於見汝太公言其年月與其日且盡道其言臣此以得見也文王曰有之有之遂與之歸以爲卿士其紀年曰康王六年齊太公望卒參考年數蓋壽百一十餘歲先秦滅學而臧於丘墓天下平秦而發其潛書書之所出正在斯邑豈皇天所以章明先哲著其名號光于百代垂示無窮者乎於是太公之裔孫范陽盧无忌自太子洗馬來爲汲令般谿之下舊

有壇場而今墮廢荒而不治乃諮之碩儒訪諸朝吏
僉以爲太公功施於民以勞定國國之典祀所宜不
替且其山也能興雲雨財用所出遂脩復舊祀言名
計偕鑄石勒表以彰顯烈俾萬載之後有所稱述其
辭曰

於爍我祖時惟大公當殷之末德元通上帝有命
以錫周邦公及文王二夢惟同上帝旣命若時登庸
遂作心膂寅亮天工肆伐大商克咸厥功建國胙土
俾侯于東奮乎百世聲烈弥洪殷谿之山明靈所託
升雲降雨爲膏爲澤水旱厲疫是禳是禳來方禋祀
莫敢不敬報以介福惠我百姓天地和舒四氣通正

灾害不作民無天命嘉生蕃殖遠近迄用康年
稼穡茂盛凡我邦域永世受慶春秋匪解無隕茲令
大康十年三月丙寅朔十九日甲申造

侍中嵇侯碑

晉裴希聲

夫君親之重非名教之謂也愛敬出於自然而忠孝
之道畢矣樸散真離背生殉利禮法之興於斯爲薄
悲夫晉弋陽子嵇紹字延祖資乾剛之純粹體中和
之淑靈少有清劭之風長懷宏仁之度加以通朗掩
濟靡才不經學爲儒宗庶績光被弱冠登朝則敷文
秘閣晚節強仕則納言樞極太安之初權臣擅命皇
輿親征次於蕩陰六軍奔散兵交御輦紹儼然端冕

正色以扞鋒刃。遂殞命於御側。忠誠感人。神義聲震四海。銘曰。二儀肇建。君臣攸序。峩峩侍中。應期作輔。外播仁風。內舉心膂。孰慈弗勇。靡仁不武。見危授命。背生殉主。確乎其操。邈乎其崇。矯矯王臣。憲茲遺風。在親成孝。於敬成忠。

右光祿大夫西平靖侯顏府君碑

晉李闡

君諱含字宏都琅邪臨沂人春秋以降戰國以前賢智比肩備於載策昭穆次序上至顏熯漢末喪亂舊譜淪亡自青州使君以上不復詳具祖欽給事貞侯

父默汝陰太守學素相承有聲邦黨君幼稟貞粹長而好古睦親之譽發於羈貫每讀書見孝友通靈之事輒悽然改容以爲人神相與何遠之有但患人心澆僞自絕於神耳苟能無以僞雜真神其捨諸修己立誠盡歡就養訓行閨門義達州里久要心許之信夷險不爽正冠納履之嫌終始不蹈兄畿患亡更生君棄絕人事蓬首屏氣以就含養者十有三年次關繁欽孫老而失明合藥須髯地膽有青衣童子持裹授君出戶化成青鳥飛去本州辟不就鎮東琅邪王參軍事過江累遷東閣祭酒朝議謂君正性端素學行通深有命太子中庶子轉黃門侍郎本州大中正

封回車縣侯轉侍中吳郡太守事停還除侍中國子
祭酒加散騎常侍光祿勳以年遜位就加右光祿大
夫門施行馬特賜牀帳被褥四時致膳固辭不受馮
懷欲爲王導降禮君不從曰王公雖重故是吾家阿
龍君是王親丈人故呼王小字王處明君之外弟爲
子允之求君女婚桓溫君夫人從甥也求君小女婚
君並不許曰吾與茂倫於江上相得言及知舊技淚
敘情茂倫曰唯當結一婚姻耳吾豈忘此言溫負氣
好名若其大成傾危之道若其闕敗也罪及姻黨爾
家書生爲門世無富貴終不爲汝樹禍自今仕宦不
可過闕二千石婚嫁不須貪世位家時議者以君審

裁將以應軍司之選。君遽告蔡謨曰：「此非輕弱所宜。」尸忝羯逆，方熾當保國養民，以俟事會。想愛人以禮，宜寢此言。主相聞之，卒不授督統之任。謨秉君此言，終不唱討賊之計。在朝正立，不昵權豪。及致仕退居，長子髦解職視膳，中子謙躬率田桑。中外莫不取給闔門，靜軌廿餘年。九十三薨，遺命素棺薄斂。吉凶官飾一無施列。天子嗟悼，詔賜墓田。諡曰靖侯，禮也。停柩在殯，鄰家失火，三子抱柩號惶，分同灰燼。焱爛垂及，歟然頓滅。論曰：君平生素行，旣感達幽靈，終殯在堂，又獲福異，豈神祇保佑，以顯淳德乎？聞託姻顏氏，頗識舊聞。與君二子髦約採集言行，而著此傳。銘曰：

嶠夷導日岱方禋春星離望合水別浸鄰少陽畜德
蒼祇效神孕僊字聖誕智息仁洙上道奧稷下儒淵
乃昔宗林傾席曜筵升門取儁接室稱賢闔則遜哀
燭亦抗宣獷彼琅邪實惟海宇憬屬之罟邪臨潮撫
載濟越師大淹秦旅誰其來遷時聞遠祖青州隱秀
爰始貞居內辟鼎府外康邦閭建節中平分竹黃初
刑清齊右政偃營區葛嶧明懿平陽聰理或薦公庭
或登宰士列美霸朝雙風千里華萼之茂於昭不已
博士淵退再遠儒聘案聘舊誤躬今改正貞子七穆比世稱盛
無忝汝陰有偉安定舍人孜敏亦允儲命靖侯潛德
信豈在明言則測幽歎實聳靈仁親之寶大孝之榮

官必凝績學乃敦經隨難蕃霸特安闈掖扶元陟帝
翼成復辟忌滿裁婚鑒冲貶石望年靜駕樂恬延厯
三祖連光衆門稟教於時列孝克端殊操潔景衡陰
湮心理奧任不窮秩是謂高蹈山曾木闕冑積芟深
永惟世闕思樹辭林碑表有毀策素匪任誦靈墳阿
長寄風音

晉江夏李闡字宏模傳曾孫宋金紫光祿大夫贈特
進延之字延年銘大厯七年歲次壬子夏四月甲寅
十四代孫唐金紫光祿大夫前行撫州刺史上柱國
魯郡開國公真卿書重建於舊龜趺上建廉志顏含

夫西平靖侯顏府君葬靖安道旁考證云晉顏含乃
唐時真卿十四世祖也得古碑於靖安道旁乃李闡

及顏延之文
墓不知所在

丞相桓溫碑銘

晉袁宏

文武開業尚父定王佐之契宗周不競桓公宏九伐
之勲脫屣於必濟之功忘懷於屈伸之會高氏字談未詳
出乎生民公亮坦於萬物遂復改謀迴慮策馬武關
搃轡丹析之塗揚鞭終南之嶺兵交則戰無全敵勸
義則襁負雲集徒以懸軍輕進困蓄靡儲而豺狼懼
殪保固窟穴乃方軌迴轅反師凱入雖竒功大勲未
捷於一朝而宏謨神畧義高於天下惟公秀傑英特
竒姿表於弱冠俊神朗鑒明統備於成德巾褐衡門
風流推其高致忘已應務天下謝其勲業輔相兩儀

而通運之功必周。虛中容長而方圓之子咸得。道濟而不有。處泰而逾約。可謂固天時縱生民之傑者也。銘曰。

美盡黃裳道暢伊呂。哲人應運命世作輔。卓卓英風。畧畧宏宇。亮心高列。俊神閒舉。忘己濟物。撫化翼世。河洛澄流。華梁卷翳。俾我仁公。宏道作鏡。如何不弔。雲巒落映。

續古文苑卷第十五

續古文苑卷第十六

賜進士及第授通奉大夫山東通省督糧道加三級孫星衍撰

碑志二

宋臨澧侯劉使君墓誌

曾祖宋孝皇帝祖諱道鄰字道鄰侍中太傅長沙景
王妃高平平陽檀氏字憲子謚曰景定妃父暢道淵
永寧令祖貌稚羸琅邪太守合葬琅邪臨沂莫府山
父諱義融字義融領軍車騎桂陽恭侯夫人琅邪臨
沂王氏字韶風父簡長仁東陽太守祖穆伯遠臨海
太守合葬丹徒練壁雩山所生母湯氏宣城人葬練
壁雩山兄覲茂道散騎常侍桂陽孝侯夫人廬江潏

何氏憲英父愉之彥和通直常侍祖叔度金紫光祿

大夫合葬練壁雩山第三弟彪茂蔚祕書郎葬江乘

白山三字今補夫人河南陽翟褚氏成班父方回太傅功

曹祖叔度雍州刺史第四弟寔茂三字今補軌太子舍人

夫人琅邪臨沂王氏淑婉父津景源中書郎祖虞休

仲左衛將軍合葬二字今補江乘白山第五弟季案宋書作爽疑

此有誤茂通海陵太守葬練壁雩山夫人陳郡陽夏袁

今補氏妙口父淑陽源太尉忠憲公祖豹士蔚丹楊尹

第一姊茂徽嬈陳郡長平殷臧憲郎父元素南康太

守祖曠思泰口軍功曹重嬈琅邪臨沂王閔之希損

鎮西主簿父昇之休道都官尚書祖敬宏左光祿儀

同第二姊茂華。媿廬江。濤何求子有。祕今補書郎。父鎮

長宏宜都太守。祖尚今補之彥德。司空簡穆公。第三姊

茂姬。媿平昌安邱孟詡元亮。中軍參軍。離案謂離父

靈休今補太尉長史。祖昶彥遠。丹楊尹。第四姊茂姜。媿

蘭陵蕭惠徽。中書郎。父思話。征西將軍儀同三司。祖

源之君流。前將軍。第五妹茂容。媿蘭陵蕭贍叔文。父

斌。伯舊。青冀二州刺史。祖摹之仲緒。丹陽尹。重媿濟

陽圉。蔡康之景仁。通直郎。父熙元明。散騎郎。祖廓子

度。太常卿。第六妹茂源。媿濟陽考城江遜。孝言。父湛

徽。淵左光祿儀同。忠簡公。祖夷茂遠。前將軍。湘州刺

史。重媿琅邪臨沂王法興。驃騎參軍。父翼之季弼。廣

州刺史祖楨之公幹侍忠夫人濟陽考城江氏景嫗
父淳徽源太子洗馬祖夷茂遠前將軍湘州刺史第
一男晃補長暉出後兄紹封桂陽侯第二男旻淵高
拜臨澧侯世子第三男嵩淵華第四男量淵邃出後
第四弟寔第五男口淵穎第六男晏淵平第一女麗
昭第二女麗明第三女小字僧歸亡葬口口

宋故散騎常侍護軍將軍臨澧侯劉使君墓誌

君諱襲字茂德南彭城人宋高祖武皇帝弟景王之
穆也神姿韶雅風譽夙懋弱冠拜祕書郎逮二凶肆
禍人倫道消君身離幽執僅免虎口事清還復舊職
以母憂去官既除又拜祕書郎轉太子舍人自升口

二宮令望允緝。出爲鎮蠻護軍。廬江太守。莅政平簡。聲績兼著。遷明威將軍。安成太守。屬中流。構豐四表。迷逆君英。議獨發。招會如神。故能以一口之旅。剋濟忠節。義超終古。誠冠當今。皇朝欽嘉。爵賞取榮。除輔國將軍。郢州刺史。封建陵縣開國侯。俄徵太子右衛率。加給事中。未拜。遷侍中。冠軍將軍。改封臨澧縣開國侯。鎮肅石頭。實當關要之寄。遷左衛將軍。未拜。仍除中護軍。春秋卅有八。泰始六年三月十日。薨於位。聖主嗟悼。朝野傷悲。有詔。故中護軍臨澧縣開國侯志行貞純。才用理濟。忠勳著於艱時。勲績倡乎泰運。年志始壯。奄焉凶折。悲傷惻割。實兼常懷。思加寵數。

以申哀榮可贈護軍將軍加散騎常侍餘今補如故謚曰忠侯粵五月廿七日庚寅將葬于琅邪之乘武岡以悲幽明之殊隔傷一訣而永分仰清徽而攬淚僣

元石而裁文其辭曰

峩峩山岳效靈允矣君子誕膺休禎支蔭帝宇
締慶文明德以行高仁與華二宮官政兩服
國步時屯艱難斯屬忠則忘家義實光族朝廼欽庸
以望既歸寵惟或侍帝言或司蕃戎
方宏牙美家邦如何不躬芳稍述
日月有時考辰筮吉元堂啓基深泉永窆長悲

案此碑曾祖以下列在題前與北魏崔敬邕誌同例餘不多見

宋張氏墓誌

宋故臨渭縣侯湘東太守張府君諱濟夫人丘氏諱
靜姬第三女推兒春秋卅有一亡於偏憂元徽元年
十月甲辰十七日庚申權假窀穸於西鄉

遠葉蘭飛浚源璇潔履順早辰含章妙歲選史圖容
循詩範節皎鏡冬泉優柔春蕙滿北忸行營東慙藝
冥昧慶善宥翳壽仁泣血賁性團憂殲身罷景方旦
摧華載春壠木已藹墓草行陳朱火幾爛元夜無晨

故永陽敬太妃墓誌銘

梁徐勉

永陽大太妃王氏琅邪臨沂人也其先周靈王之後
自秦漢逮於晉宋世載光口羽儀相屬既以備于前

志故可得而畧焉。祖粹給事黃門侍郎。父儼左將軍
司馬。尋陽內史。並見稱時輩。太妃體中和之氣。稟華
宗之烈。蹈此溫恭。表茲淑慎。孝敬資於冥發。仁愛口
於自然。至乎四教六訓之閑。工言貞婉之德。無待教
成。因不該備。故景行著于中口。淑問顯乎言歸。作嬪
盛德。實光輔佐。親縫幕之用。躬服澣之勤。及早世釐
居。遺孤載藐。提攜撫育。逮乎成備。斷織之訓。旣明闕
門之禮。斯洽。劬勞必盡。曾不移志。用能緝睦于中外。
亦以_(宏)濟乎艱難。雖魯姜之勤節。曹妃之敬讓。方之
蔑如也。皇業有造。殷憂啓聖。追惟魯衛。建國永陽。恭
王纂嗣。蕃號式顯。迺拜爲太妃。策曰。維天監二年六

月甲午朔十日癸卯，皇帝遣宗室員外散騎侍郎持節兼散騎常侍蕭敬寶策命永陽王母王氏爲國太妃。曰：於戲！惟爾茂德內湛，粹範外昭，國序凝芬，蕃庭仰訓。是用式遵舊典，載章徽服，往欽哉！肅茲休烈，可不慎歟！備綸瑱之華，而降心彌約，居千乘之貴，而處物愈厚。旣而恭王不永，禮從■訓導，嗣孫載光，榮祉年高，事重志義，方隆宜永，綏福履而奄奪鴻慶，以普通元年十月廿三日，遘疾十一月九日己卯，薨於第。春秋五十有九，詔曰：永陽大太妃奄至，薨逝哀摧，切割不能自勝，便出敘哀，可給東園祕器，喪事所須，隨由■辦。祖行有辰式（宏）茂典，又詔曰：故永陽大

太妃禮數有殊德行惟光訓範蕃嗣式盛母儀即遠
戒期悲懷抽割可詳典故以隆嘉謚禮也粵其月廿
八日戊戌祔瘞于琅邪臨沂縣長千里黃鵠山用宣
風烈以昭弗朽廼爲銘曰

清瀾悠邈其儀尚矣龍光疊照風流世祀猗歟罔匱
於昭不已誕資仁淑作嬪君子幽閑表操明德自躬
推厚處薄秉默居沖參差採芼揜映言工鑒昭彤管
識懋休風凝芬載湛芳猷允塞徙舍爲訓止閭成則
曹號母儀豈伊婦德穆茲閨闈形于邦國龍飛集運
禮數攸鍾憲章盛典車服有容泰而愈約貴則彌恭
蕃祉方茂纂嗣克重巾帚差池朝夕咸事雖曰任傅

永請斯備。是惟仁姑。厥德可庇。恂恂濟濟。蘭芬瓊祕。
光陰易晚。祺福難留。閨儀罷映。綸華奄收。奠遷朱邸。
駕指行楸。芳■是勒。大■方攸。■尚書右僕射太
子詹事臣勉奉敕撰

丹陽尹湘東王善政碑

初本裴子野

皇上建顯號。垂鴻名。廣大配乎天地。光華象乎日月。
長駕遠撫。橫逸乎都外。策鏡區域。充塞乎無垠。上冠
九垓。旁濟八表。制禮以告成功。作樂以彰治定。福應
允臻。祥慶符合。六府孔修。九官咸事。於往歲也。有司
奏以湘東王爲宣惠將軍丹陽尹。旣而下車爲政。振
民育德。循名責實。舉無遺慮。若夫據饋累起。求賢如

不及卑身折節用人若由己玉帛旅於丘園辟書交
乎塗路求餘論於故府想遺風於舊哲延儒生於東
閣命文學於後車重門洞啓列筵廣置四民摠至獄
訟殷集王兼而治之綽有餘裕上宏其禮下悅其風
虛往實歸人得所至由是百吏仰成具僚斂衽千里
之閒有懷必亮躬親勸課賦政授時辨相物宜務盡
地利由是仍歲有秋餘糧栖畝是以縉紳先生愀然
相顧遂造象魏拜而陳之有詔報曰織介之善春秋
必書吏民歸美難用抑絕於是二三君子歡得所奏
乃擇工良匠追石名山撰德選辭興事篆刻俾萬代
之下知斯文之在斯銘曰

茫茫禹迹，經啓萬方。平秩肇定，曰若我皇。并苞九域，畫野分疆。猗歟帝子，日就月將。疏爵分品，奄有瀟湘。君王光啓，旣表南國。肇允神童，飈飛上德。導達元微優游翰墨，行成師範。文爲麗則，帝曰爾諧。出康庶績，勿替敬典。大猷允迪，我王顯允。洵美且麗，夙夜乾乾。有隆无替，光贊大朝。庇民濟世，京邑翼翼。永承嘉惠，魏故中書令祕書監使持節督兗州諸軍事安

東將軍兗州刺史南陽文公鄭君之碑

公諱義，字幼麟，司州滎陽開封人也。肇洪源於有周，胙母弟以命氏。桓以親賢，司徒武以善職。並歌緇衣之作，誦乎弈世。降逮於漢，鄭君當時播節讓以振高

風大夫司農創解詁以開經義迹刊圖史美灼二書
德音雲翻碩響長列揚州以十策匡時司空豫州以
勲德著稱高祖畧恢亮儒素味道居真州府招辟莫
之能致值有晉弗竟君道陵夷聰曜虔劉避地冀方
隱括求全靜居自逸屬石氏勃興撥亂起正徵給事
黃門持節遷侍中尚書贈揚州刺史曾祖豁以明哲
佐世後燕中山尹太常卿濟南貞公祖温道協儲端
燕太子瞻瞻同事父暉仁結義徒績著寧邊拜建威
將軍汝陰太守縣榮千載聯光百世自非積德累仁
慶屆無窮其孰能傳輝踵美致如此之遠哉可謂身
沒而名不朽者也公稟三靈之淑氣應五百之恆期

乘和載誕。文明冠世。篤信樂道。據德依仁。孝弟端雅。寡言愍行。六藉孔精。百氏備究。八索九丘。靡不昭達。至乎人倫禮式。陰陽律曆。尤所留心。然高真沈默。恥爲傾側之行。不與俗和。絕於趣向之情。常慕晏平仲。東里子產之爲人。自以爲博物不如也。蕙斯文於衡泌。延德聲乎州閭。和平中舉秀才。荅策高第。擢補中書博士。弥以方正自居。雖才望稱官。而乃歷載不遷。任清務簡。遂乘閑述作。注諸經論。撰話林數弓。弓同卷莫不元契聖理。超異恒儒。又作孔顏謠。靈巖頌。及諸賦詠。詔策辭。清雅博。皆行於世也。以才望見陟。遷中書侍郎。又假員外散騎常侍。陽武子。南使宋國。宋主

客郎孔道均就邸設會酒行樂作均謂公曰樂其何
如公荅曰哀楚有餘而雅正不足其細已甚矣而能
久于于同均嘿然而罷移年而蕭氏滅宋雖延陵之
觀昔詩鄭公之聽宋樂其若神明矣朝廷以公使協
皇華原隰斯光遷給事中中書令總司文史敷奏惟
允國之律令是所議定公長子懿邕容和令器望兼
資早綜銓衡能聲徽著敦詩悅禮尤精易理季子道
昭博學明雋才冠祕穎研圖注篆超侍紫幄公行於
前吏部祕書隨其後凡厥庶寮莫不欽其人也於時
有識比之三陳後年不盈紀懿給事黃門侍郎太常
卿使持節督齊州諸軍事平東將軍齊州刺史道昭

祕書丞中書侍郎司徒諮議通直散騎常侍國子祭
酒祕書監司州大中正使持節督光州諸軍事平東
將軍光州刺史父官子寵才德相承海內敬其榮也
先時假公太常卿熒陽侯詣長安拜燕宣王廟還解
太常其給事中中書令侯如故縱同容鳳閣動斯
可則冠婚喪祭之禮書疏報問之式比之制矣民肯
行矣雖位未槐鼎而仁重有餘太和初除使持節安
東將軍督兖州諸軍事兖州刺史南陽公德政寬明
化先仁惠不嚴之治穆如清風栴桑有敬讓之高朝
市無鞭戮之刑卽道之美不專於魯矣太和中徵祕
書監春秋六十有七寢疾薨於位凡百君子莫不悲

國秀之永沈哀道宗之長沒皇上振悼痛百常往遣
使贈襚築贈有加謚曰文祭以太牢以太和十七年
四月廿四日歸葬乎熒陽石門東南十三里三皇山
之陽於是故吏主簿東郡程天賜等六十人仰道墳
之緬邈悲鴻休之未刊乃相與欽述景行銘之元石
以揚非世之美而作頌曰

爰鑒往紀稽覽前徽有賢有聖靡弗應時繇實契姒
旦亦協姬於穆鄭公誕叡應期伊昔桓武並美司徒
恭惟我君世監祕書三墳尅闡五典允敷文爲辭首
學實宗儒德秀時哲望高世族灼灼獨明亭亭孤邈
式胄三雍鄒風再燭作岳河兗澤移草木慶靈長發

繼葉傳光君既挺發允亦含章文義襲軌朱紱相望
刊石銘德與日永揚

永平四年歲在辛卯刊上碑在直南卅里天柱山之
陽此下碑也以石好故於此刊之

魏代揚州長史南梁郡太守宜陽子司馬景和

妻墓誌銘

夫人姓孟字敬訓清河人也蓋中散大夫之幼女陳
郡府君之季妹夫人資含章之淑氣廩稟懷叡之奇
風芬芳特出英華秀生婉問河洲鼓鐘千里年十有
七而作嬪於司馬氏自笄笄髮從人檢無違度四德
孔循婦宜純佑備奉舅姑以恭孝興名接娣姒以謙

慈作稱恒寬心靜質舉成物軌謹言慎行動爲人範

斯所謂三宗厲矩九秩字族承規者矣又夫人性寬字寬

如媿多於容納敦桃天之宜上薦小星之逮下故能

慶顯字齋斯五男三女出入閨闈諷誦崇禮義方之

誨旣形幽閑之教亦著然盡力事上夫人之勲夫婦

有別夫人之識捨惡從善夫人之志內宗加密夫人

之恤姻於外親夫人之仁夫人有五器而加之以躬

儉節用豈悟天道無知與善徒言享年不永凶厝橫

集春秋卅有二以延昌二年夏六月甲申朔廿日癸

卯遣疾奄忽薨於壽春嗚呼哀哉粵三年正月庚戌

朔十二日辛酉歸葬於鄉墳河內温縣温城之西寔

以營原興壟窳野成丘故式述清高而爲頌云
穆二夫人乘和誕生蘭蕞蕙粦玉潤金聲令問在室
徽音事庭方孚洪烈範古流名如何不淑早世徂傾
思聞後葉刊石題誠

魏崔敬邕墓誌銘

祖秀才諱殊字敬異

夫人從事中郎趙國李休女

父雙護中書侍郎冠軍將軍豫州刺史安平敬侯

夫人中書趙國李詵女

魏故持節龍驤將軍督營州諸軍事營州刺史征虜
將軍大中大夫臨青男崔公之墓誌銘

君諱敬邕博陵安平人也夫其殖姓之始蓋炎帝之
允其在隆周遠祖尚父實作太師秉旄鷹揚尅佐撝
殷若乃遠源之富奕世之美故以備之前冊不待詳
錄君卽豫州刺史安平敬侯之子胄積仁之基累榮
構之峻特稟清貞少播令譽然諾之信著於童孺瑤
音玉震聞於弱冠年廿八而雋華茂實以響流於京
夏矣被旨起家召爲司徒府主簿納贊槐衡能和鼎
味俄而轉尚書都官郎中時高祖孝文皇帝將改制
創物大崇革正復以君兼吏部郎詮敘彝倫九流斯
順太和廿二年春宣武皇帝副光崇正妙簡宮衛復
以君爲東朝步兵景明初丁母憂還家居喪致毀幾

於滅性服終。朝廷以君膽量凝果，善謀好成，臨事發
竒。前畧無滯，徵君拜爲左中郎將、大都督、中山王刺
史。出圍僞義陽城，拔凱旋君，有協規之効。功績隆盛，
授龍驤將軍、太府少卿、臨青男，忠勲之稱，實顯於茲。
永平初，聖主以遼海戎夷，宣化佇賢，肅慎契丹必也。
綏接於是，除君持節營州刺史、將軍如故。君軒鑣始
邁，聲猷以先，麾蓋踐壇，而溫膏均被。於是殊俗知仁，
荒嶠識澤，惠液達於逋遐，德潤潭於邊服。延昌四年，
以君清政懷柔，宣風自遠，徵君爲征虜將軍、太中大
夫，方授美任，而君嬰疾連歲，遂以熙平二年十一月
廿一日卒於位。緇紳痛惜，姻舊咸酸，依君績行，蒙贈

左將軍濟州刺史加謚曰貞。祗也。孤息伯茂銜哀在
疚。摧號。因訴泣庭。訓之崩沈。淚松楊之以樹洞。抽絕
其何言。刊遺德於泉路。其辭曰。

緜哉遐胄。帝炎之緒。爰歷姬初。祖惟尚父。曰周曰漢。
榮光繼武。邁德傳輝。儒賢代舉。於穆獻考。誕質含靈。
秉仁岳峻。動智淵明。育善以和。獎幹以貞。響發邇丘。
翼起槐庭。慶鍾盛世。皇澤遠融。入蔡彝敘。出佐邊戎。
謀成轅幕。績著軍功。僞城颺偃。蠢境懷風。王恩流賞。
作捍東荒。惠沾海服。愛洽遼鄉。天情方渥。蘭爵惟良。
如何倉昊。國寶淪光。白楊晦以籠雲。松區杳而煙邃。
藐孤叫其崩恣。親賓颺而垂淚。仰層穹而摧號。痛尊

靈之長祕。誌遺德兮何陳。篆幽石兮深墜。嗚呼哀哉。

王漁洋居易錄云陳崇石為安平令掘田隴間得祖父名爵列碑題之前

魏故驩驤將軍營州刺史高使君懿侯碑銘

君諱貞字羽真勃海脩人也其先蓋帝炎氏之苗稟

昔在黃唐是為四嶽爰逮伯夷受命於虞舜曰典朕

為太師俾侯齊國世世勿絕表乎東海其公族有高

子者即其氏焉自茲已降冠冕冕繼及世濟其德不

實其名祖左光祿大夫勃海敬公純嘏所鍾式誕文

昭皇太后是為世宗武皇帝之外祖考安東將軍青

州刺史庄公有行有禮克荷克構即文昭皇太后之

三

第二兄也。君稟岐嶷之姿，挺珪璋之質，清暈輝發於

載，字弄秀悟表乎齟齬，黃中通理之名，卓爾不羣之

目，固已殊異。公族見稱於匠者，至於孝以事親，則白

華不能比其潔，友于兄弟，則常棣無以方其盛。敬讓

著自閭閻，信義行於邦黨。若夫秉心塞淵，砥礪名教，

伏膺文武，不肅而成，則綴軌於前脩，同頽規於先達

者矣。雖綺襦紕袴，英華於王許，龍馬流車，陸離於陰

鄧，而不以富貴驕人，必以謙虛業已。是故夷門識慕

蹇步，知歸我德，如風物應如響，弱冠以外，戚令望除

祕書郎，俶麟閣而來儀，瞻石渠而式踐。於是縱容校

文之職，翻飛鷓鷯之間，容止此而可觀，清風茲焉已。

穆既而重離載朗。東朝始建。杞梓備陳。瑤金必剖。僉求其可。帝曰。爾諧遷太子。洗馬夙夜。惟夤媚茲。儲后仰敷四德之美。式揚三善之功。同禁聯坊。亡有出其右也。於時六宮無主。百姓未繫。周爰大邦。凶踰莘似。以君姊有神表。淑問拜爲皇后。君戚愈重。口愈沖寵。日益權日損。由是有少君退讓之風。無長淵驕奢之患。故赫赫之望。具瞻允集。楨幹之期。匪朝伊暮。而不幸短命。春秋廿有六。以延昌三年歲次甲午四月己卯朔廿六日乙巳。遘疾卒於京師。二宮悲慟。九族悼傷。同位駿奔。遐迩必至。天子廼詔有司曰。故太子洗馬高貞。器業始茂。方加榮級。而秀穎未實。奄彫夏彩。

今宅兆有期宜蒙追陟可特贈驩驤將軍營州刺史
以旌戚儀其墓丘所須悉仰本州營辦臨塋又特給
東園龍輜加謚曰懿凡我僚舊爰及邦人咸以君生
而玉質至美也幼若老成至慧也孝友因心至行也
富貴不驕至謙也君以此終亦以此始烏可廢而不
錄使來者無聞焉廼相與採石名山樹碑墓道其詞
曰

厥緒皇□□□□堯咨四岳周命呂望惟高惟國
世有龍光自茲作氏不實其芳於鑠光祿饗茲戩榮
赫矣安東純嘏斯屬或女或妹匪戚伊僕陟彼昭
陽穀光我邦族山川降祉餘慶不已敬公之孫庄公之

子如琇如瑩爲山伊始人知其進莫見其止古人有
言膏粱難正於乎我君終和且令牧已謙謙與物無
競孝友因心能久能敬爰始來儀濯纓麟沼翮羽儲
扁其容皎皎方搏九霄載飛載矯天道如何是人
是天生榮死哀禮有加數曷用寵終英英旂輅其人雖
往其風可慕元石一刊清徽永鑄

大代正光四年歲次癸卯管黃鍾六月



碑以嘉慶九年出土星衍
始見之移置德州學宮

魏故懷令李君墓誌銘

君諱超字景昇本字景宗後承始族叔在江左者懸
同故避改云秦州隴西郡狄道縣都鄉華風里人

也。雅著高節，敦襲世風。言行足師，興作成准。循情孝友，因心名義。安貧樂道，息詭遇之襟。介然峻特，標確焉之擦。弱冠舉司州秀才，拜奉朝請，除恒農郡冠軍府錄事參軍事，宰沁水縣。巨政崇治，綽居尤最。爲受罪者所誣，誣字章憲臺誤聽，被茲深劾，除名爲民。於是廿年中，浮沈閭巷。玉潔金志，卓爾無悶。到熙平二年，甫更從宦，補荊州前將軍騎兵參軍事。復作懷令，已受拜，垂垂述職，遭疾。正光五年八月十八日卒于洛陽縣之永年里宅。時年六十一。孤貞華首，訖於二邑。門從無兩，遠迓酸恨。懷之百姓，長慕喪氣。雖陳留之哀望，胡季叡不是過也。越六年正月丙午朔十六日。

辛酉案此謂正光六年也其六月始改元孝昌則正

目録劉義叟長歷此年梁正丙午朔魏同決無可疑

而偃師金石遺文乃誤以為在辛後經年凡六於是

王氏萃編遂列為永安二年不知彼年長歷魏正癸

丑朔與碑所書絕不通也又考司馬景和妻墓誌

銘上書以延昌二年夏六月甲申朔廿日癸卯下書

粵三年正月庚戌朔十二日辛酉以其朔求長歷則

此碑書年之法正同又一確證也葬洛陽縣覆舟山

之東南元壤難窮陵谷時異刻茲陰石照序光塵

泱泱顯族斂夢西垂代襲清則沓炳羽儀道妙之門

緒風屬斯惟祖惟考侗儻環竒昌謨迭駕高矍明規

杳量无隄元契不貲摠循異貫員應紛枝灼灼伊君

山立淵淳棲真宅正寢繩履程懿鑠為質醇素用情

均治禮世氣重財輕亦既從招旁溢鴻聲隨牒出入

密勿力誠。爰莅近邑。先邁儀形。絕交獨坐。化動陰竄。
尚德貽咎。衆實叵蓋。拂衽歸來。飭轅褊帶。恂恂鄉閭。
万殊一會。優柔善成。无小无大。垂白再仕。汎尔沿流。
階倫稍降。盛業愈邁。遂作後城。士女承休。轡字轡頓方
馳。盡土悲愁。尅節炯言。引賞靡徵。端恭妄劄。家俗虛
膺。擢彼圯跡。事罕篇繒。長源未輸。深啣乍卷。蘊此逸
機。空生徒返。兹寬易削。疇毒難遣。楨掬踈竦。泉泉房
寒遠。孀孤內爛。妹弟摧咷。式鏤沈石。託注幽篆。
妻恒農楊氏。父談爲邾州主簿。息女孟宜。年卅六。適
恒農王始。僦郡中正。息女媛姿。適遼西常彪。侍御史
息女仲妃。適武威賈子謐。涼州治中。息道冲。息女婉。

華息女。佺顏息女。四輝息女。道逸年十六。息道。栖年十
三

魏故假節督齊州諸軍事輔國將軍齊州刺史

高公墓誌銘

君諱湛字子澄勃海滌

字脩

人也靈根遠秀啓慶兆於

渭川芳德遐流宣大風於東海作範百王垂聲萬古
者矣故清公勢重鄭伯捐師元卿位尊管仲辭禮皆

所以讓哲推賢遠明風軌祖冀州刺史勃海公文照

昭

武烈望擿中夏惠沾朝野愛結周行考侍中尚書

令司徒公英風秀逸雋氣雲馳虬顧帝鄉威流宇縣

君稟慶緒於綿基挹餘瀾於海澳幼尚端凝長好文

雅非道弗親唯德是與逍遙儒素之間慕申穆之遺

風併個文史之際追牧當作馬之逸藻至於擗春灑

翰席席字或釋月抽琴邁昔哲以孤遊超時流而獨

遠熙平啓運起家為司空參軍事轉揚烈將軍羽林

監天平之始襄城阻命君文武兩兼忠義奮發還城

斬將蠻左同歸朝廷嘉其能縉紳服其義假驩驪將

軍行襄城郡事君著績既崇賞勞未允尋除使持節

都督南荊州諸軍事鎮軍將軍南荊州刺史於時偽

賊陳慶率裒旅攻圍孤城獨守載離寒暑終能剋保

邊隍全帖民境復除大都督行廣州事享年不永春

秋卅三元象元季正月廿四日終於家皇上動哀能

言灑淚。廼有詔曰：故持節都督南荊州諸軍事、假鎮

軍將軍、揚烈將軍、員外羽林監、行南荊州諸軍事、南

荊州刺史、當州大都督高子口。金石萃編云：此碑完善，其損者僅詔語中。

高子澄之識用開敏，氣幹英發，擁攝蕃翰，誠効剋宣。

登字目臨難殉軀，奄從非命。言命遺績，有悼于懷。宜申追寵。

式光往烈，可贈假節、督齊州諸軍事、輔國將軍、齊州

刺史、粵元象二年十月十七日，遷葬於故鄉。司徒公

之塋，千秋易往，萬古難留。故鐫石泉門，以彰永久。其

詞曰：

丹蚪降祉，姜水載清。大人應期，命世挺生。垂竿起譽，

罷釣流聲。經綸宇宙，莫之與京。允司下蕃，公衡上宰。

既顯營丘，復擲東海。四履流芳，五城降綵。繁柯茂葉，

傳華無改。伊宗作輔，忠義是依。清盪昏霧，橫掃塵飛。

日月再朗，六合更暈。暉字玉帛斯集，福祿攸歸。仁壽

無遠，積善空施。風酸夏草，霜結春池。崑山墜玉，桂樹

摧枝。悲哉永慕，痛矣離長。當作長離山左金石志云離長倒書碑未改正

大齊鄉老舉孝義雋脩羅之碑

唯阜肇祚，大齊受命。引軒轅之高宗，紀唐虞之遐統。

應孝義以改物，揚人風以布則。於是緝熙前緒，昭顯

上世。雋敬字脩羅，鑽土萇安。食菜勃海，前漢帝臣。雋

不疑，公之遺孫。九世祖朗，遷官於魯。遂住洙源，幼傾

乾蔭。唯母偏居，易色承顏。董生未必過其行，守信志

忠投杼豈能着其心捨田立寺願在菩提醃味養僧

纓絡匪悛字格救濟飢寒傾囊等意少行忠孝長在仁

倫可欽可美莫復是過蓋聞詮賢舉德古今通尚慝

秀弊才錐囊自現余等鄉老壹百餘人目曠其事豈

容嘿焉敬刊石立樓以彰孝義非但樹名今世亦勸

後生義夫節婦詔令所行其辭曰

恭恭易色免受承顏孝同曾閔行比丁蘭待如握髮

接若吐瀆醃味救飢解褐濟寒披幽釋古奉敬如來

割已施造傾力捨財終終字做之念其性可哀鑿石壹

朝千代美哉流芳萬古迹絕當今庶勸將來誰不肅

心忠孝之外任世浮沈絕筆刊功志畢松林朱陽再

現相訖南金訪石鏤文永保余心懸宗殞轉放筆留音

皇建元年歲次庚辰十二月戊寅朔廿日丁酉訖功

碑以乾隆乙卯年九月得于泗水縣東五十里韓家澗天明寺側

朱岱林墓誌

北齊

朱敬脩

君諱岱林字君山樂陵濕沃人也自辛朝喪^慙昌戶
銜書親以建社賢亦啓國扶封於邾公加茅土方曹
析壤媿魯稱雄別有由謚立姓因字爲氏斯卽去邑
從朱蓋是殊方共致卯金則司空佐命當塗卽領軍
贊業整在晉嗣美表於趙垂名所謂杞梓繼生公侯
閒起哲人世挺衣冠代襲曾祖霸儒該上素術盡從

橫魏使持節平州諸軍事安遠將軍平州刺史俗隣
壙場布以威恩醇酒空陳夜全不受於後謗言及樂
讒巧亂鄒儵介鷹揚灑然鵠起擁鄉里三千餘戶來
逝河南值元嘉之末朝多喪亂不獲其賞仍居青州
之樂陵郡祖法宏下帷耽藝閒靜自得舉秀才釋褐
南平王府行參軍遷尚書祠部郎中禮閣有聲含香
擅美後遷司徒府諮議參軍事亡贈鴻臚卿父孝祖
清規勝範地美才高俄而魏高祖孝文皇帝熊羆覓
騁蒼兕爭先化洽江湘令行天下錄竒異於巖藪訪
隱逸於閭閻起家除槃陽縣令轉北海太守流涕孟
侯歌謠稚子從今勤古並駕分駟君膺茲秀氣稟是

淳和三

案山左金石志誤
作王今依拓本改

棘六里方珠比玉左智右

賢擬龍齊鳳得嗟蔡子見重侯相聿始十餘身離艱
苦晨號夕踴柴毀骨立遂使鳩來栖集馬倏芻草精
通飛走擦貫幽明魏廣陵王愛善如蒼好書比德俾
侯南服妙選英佐託以金蘭徵爲國常侍辭不獲已
俛僴從職而侯羸荷盼難交公子介推逃賞終遠晉
文未踰十旬還以病解後彭城王又以皇枝之貴作
牧東秦召爲主簿久而從命王藉甚有素不苦抑遣
終遂干木之心乃申安道之志君雅量之地無際可
尋元昆季弟推之京宦同於得喪等槩榮枯含章韜
綵藏明晦用兄元旭散騎常侍出除南兗州刺史弟

叔業通直散騎常侍左光祿大夫高冠映日長戟陵
風譽滿京華聲馳寓縣縱趙孝之讓禮食曾何足云
魯恭之就不名詎堪方此魏廷慰卿崔光韶侍中賈
思伯並聰敏當世器局樹時結四子七賢之交飲醪
投水之密留連宴熹付寫矜期黃門郎徐紇與君意
得言忘處權居要恒思不次之舉還疑志不可奪醺
言之暇聊申微旨君荅云昔人有以術忤帝或道質
■王譬之鱗羽本乖飛伏而平生庸短末希簪紱如
斯之貺乞不加己紇愛人以禮兼相欽尚從其所好
不敢繫維普泰之季水德不競蒼雲蓋野紫日生天
鳥合蟻徒聚三齊之地豎牙鳴角凜十二之險不異

井中虛言聖出何殊轍■妄号神人拔本塞源摧蘭

天桂春秋五十有四遐迩悲噎聞見涕零惟君大度

不羣峻■孤上託宿假道唯仁與義規矩成則物我

兼忘非夷非惠不石不玉惻隱同於子魚友悌侔於

伯雅何忽儋案山左金石志缺此字今依拓本補山石折智士遽傾以

大齊武平二年歲次辛卯二月乙卯朔六日甲申葬

於百尺里東五里第四子敬脩自惟羅此荼毒眇然

咳幼離竒以生龍鍾而立窮而匡子温慙閔騫帖山

難陟過庭無訓攜鋤而感言下集冠之禽攀松弗昭

寧降成墳之鳥空追士季瞻像載興傷慟日殫觀狀

益增酸哽磬茲鄙拙式序徽猷思與泣俱文兼涕落

先言多不備述。往行盡是闕如。良由才非作者。情隈
蕪次。從父兄敬範。史君伯第三子。脫畧榮華。不應徵
聘。沉深好古。尤工摘屬。勒銘黃壤。以播清風。辭曰。
本自高門。世資陰德。從來位重。人兼才識。運海鱗竒。
搏搖翅力。繁枝不已。清瀾焉息。其唯祖英毅。唯父深
沈。飛纓鳴玉。作範垂音。仍生東箭。遂挺南金。素榮俱
美。出處分心。其二其有應純和。望餘耀嵇。風阮德梁。遊
大鈞。搃于君子。藝才何劭。闕里儒英。瀨鄉元妙其三道
王天崖。志輕人爵。菊藜危坐。裘採藥。楚漢兒戲。仁
雄寥廓。我如曾閔。何論許郭。其四其虛言輔善。實驗無親
石。佳既落儋山。亦淪少微。之應遂屬。高人悲王難序。

痛霍何陳其五仁厚慶鍾育斯才彥。歷階武目。過庭鯉

盱。似鳳方鳴。如龍比絢。遺孤在笈。藜焉誰見。其六誰見

伊何。慈顏弗覩。朝不食隣人。罷祖比學。西河擬文

東魯。述彪者固。情深陟岵。其七魚山本志。門豹遺風。丹

青已寫。元空方崇。思人下淚。瞻蓋悲空。山川不易。規

猷詎終。其八嗟嗟猶子。瞻儀在昔。荷恩惟訓。依稀如覲

頌雅因詩。宏文託易。追思素道。敬鑄元石。

北周王通墓誌銘

公諱通。其先太原人也。粵乃仙嶽。含靈毓禎。圖而錫

爵。誓淮分淑。應寶錄以開宗。是以三公列而更榮。五

侯封而載錫。自茲厥後。英髦不墜。祖明濟郡中喉舌。

識度冲敏志業詳確父增隨州主簿鑒履清致器量
貞邃公養志中和資靈上德趨庭學禮立身之道自
⑤步月開襟讓客之風已遠中爲令德遊藝依仁賞
逸閒居不希榮祿旣而門巢結釁百年之運已催楹
夢起祥九泉之路俄涉春秋六十有三遘疾終於私
第嫡子脩文脩禮衰絰露節痛結寒泉粵以大周天
和二年冬十月寔於東城縣東五十里崇德鄉平原
禮也東漸巨壑波濤滉瀆西望層山烟霞出沒頌德
音而不朽感生靈之倏忽其詞曰

惟鎬建官惟唐命職允文允武克岐克嶷開國承家
禮儀不忒皇天無親誕生哲人摳衣問道好古日新

如何不淑奄喪斯文前臨叢薄後眺荒丘風搏素蓋
日慘丹旒庶銘明德永播芳猷

康熙九年秋河間縣東城鎮大水有古墓

衝圮得此碑

大隋車騎祕書郎張君之銘

君諱景畧燕州上谷人漢司徒華之後也帝皇布護
將相蟬聯備諸圖史其可伊述祖驃騎大將軍第一
領民酋長文城公又遷燕州諸軍事燕州刺史考龍
驤將軍諫議大夫奉車都尉行濟安郡太守金鄉侯
君質如披錦文彩煥然器若珪璋光輝朗潤於是弱
齡表異聲振朝野欲止不能遂被徵辟起家爲魏帝
內侍左右尋遷祕書郎優游鳳沼去來麟閣時稱獨

步寔曰無雙。又加車騎大將軍。開皇十一年正月六日。冥不蠲德。奄從運往。春秋六十有八。以其月二十六日。遷窆於相州安陽河北白素曲。未極丞相之年。俄掩將軍之墓。嗚呼哀哉。乃爲銘曰。昔年慷慨。拖紫垂青。岷山漢水。玉潤珠明。何啻大運。混我賢貞。一辭身世。百代千齡。

玉泉寺智禪師碑

隋 皇甫昆

蓋聞乾元資始。三辰著象於天。坤道資生。萬物動行於地。皇王於是建國。賢聖所以垂文。起名教而莫同。制威儀而有別。至於畫卦觀爻。蓋取隨時之象。綜經織緯。口通爲政之辭。大禮同和。大樂同節。安上治民。

移風易俗。斯乃生前之事。畧矣。可言。死後之間。仲尼
弗語。縱使絳雪縈空。元霜拂樹。餌金丹而九轉。吞玉
髓而千年。乘雲也。駕五色之元龍。遊漢焉。控三山之
素鶴。逍遙瑤臺之上。容與珠闕之間。未窺解脫之門。
終趣蓋纏之境。唯正覺淵沖。真如妙有。不生不滅。無
相無言。隨緣應質。則口口成形。隨類觀音。則因聲亦
說。故有白銀千尺之口。口金丈六之身。八部般若之
文。四種悉檀之義。神通自在。慧力無窮。因導化行。開
示悟入。皈依者盡發菩提。迴向焉。普登常樂。是以獼
猴建塔。遂生切利之天。野鴈銜華。復性彌陀之國。豈
直日藏沙門。孤遊正道。月光童子。獨見如來。四生因

茲度脫六道藉此超蘇實火宅之高車昏河之大筏
若乃周室昭王之世影奪恒星漢朝明帝之時光夢
如日使旋西域化漸東都寘像南宮申心北面自摩
騰入洛羅什遊秦名教更宏道風斯熾經臺像閣寶
塏香山麗溢巖阿綺盈都邑豈期後魏真君之歲後
周建德之年靈廟一除伽藍再滅形容廢毀文字散
遺響落瓊鐘聲沈寶鐸修禪耆舊卷其舌而不談護
戒先賢改其形而晦影世絕調心之路時虧汲引之
途無出世之津梁失生民之大望我隋皇帝乘乾御
宇握鏡披圖友愛蒼生君臨赤子天地同其大德日
月合其重光鼓之以雷霆運之以風雨除暴亂致太

平張四維朝萬國功成作樂治定制禮正道無爲區
寰有截闢泥洹之路開般若之門宣十二分之經流
四千年之法精勤耆舊捨俗歸僧淨住初童持心秉
戒非直法輪再轉法鼓還鳴四海於是無虞兆民因
而有賴委羽乘毛之國慕風化以來庭靈禽嘉貺之
祥應圖書而萃苑巍巍也非境智之思量蕩蕩乎豈
言談而能盡玉泉寺者基此山焉智顛禪師之卜居
也敕旨正名著額其山嵬嶸峩嶷崎嶇崩疑峯疑偃
蓋巒似覆船巨石窮竒之象洪崖譎詭之形岡曲抱
而成垣水縈洄而結乳口口口口口口鸚啼碧樹之
閒日月爲之蔽虧霄液由之散聚前瞻江路卻望荆

岑左帶昭丘右通巴峽禪師本姓陳氏潁川人也少稟生知童真剃落從師南嶽蘊道天臺睿智洪才之響非直播於江南知機妙辨之聲固已聞於河朔皇帝■子太尉公晉王性稟孝慈情包惻隱能臣能子匡國匡家蘊神機之智垂汎愛之心布君子之心偃生民之草往以僞陳納版受律行師策妙指縱威稜江海遂剋定金陵化平銅柱三吳霧卷百粵塵清師乃因王利涉王遂因師受戒師至此而投院王奏聞而起寺於是異域才情之客慕其道而雲臻他鄉鍊行之僧味其風而雨集師精研道理盡意談元語證禪支心開定本幽宗博義若挹海而無窮辨句清辭

似懸河而自瀉。居朋之友。雖盈量以爭。畝處少之徒。從窮崖而莫反。爾乃信心檀越。積善通人。咸施一材。俱投一瓦。憑茲衆力。事若神功。營之不日而成。飾以經時而就。層臺迴閣。複殿連房。寒暑異形。陰陽殊制。雕簷繡栱。與危岫而爭高。巖礎鐫基。共盤叢而等固。風光出其戶牖。雲霧生其棟梁。華炫耀於金盤。氣芬芳於玉樹。工圖相好。湛若金僊。匠寫真容。凝如滿月。殿起三層之柱。簾懸自響之鐘。堂開千葉之華。蓮捧飛來之座。燈光不滅。灌海逾明。刹柱俱低。承幡自舉。吉祥柔滑之草。爛熳依庭。送風和氣之香。氤氳滿院。斜通洞穴。直柱凝泉。色似琉璃。味同甘露。波投鼉鼎。

浪瀉陞堂飲腹消疴洗軀愈疾石柱銅梁之狀影如
蓮池桃源菊浦之華香浮柰苑可謂山類耆闍寺同
離越似龍宮而出見疑鹿野以飛來竊以前王鑿鼎
惟論體國之功今共刊碑永記菩提之道余任宰屬
城寺居所部文雖寫意書不盡言其詞曰

二儀開廓四氣氤氳方以類聚物以羣分通賢通聖
明后明君隨機設教觀化垂文樂章旣造禮儀方制
定此親疏流茲疑滯披圖辨物屬辭明例唯化一生
不論三世元都玉簡紫闕銀經解尸遺骨飲液吞精
乘龍萬紀控鶴千齡終非實相猶是塵情唯有大雄
湛然常住不生不滅無來無去千門妙音一音演諭

度脫衆生。涅槃雙樹。夢通劉后。感應姬王。恒星掩耀。
滿月澄光。寫形東國。指聖西方。慈悲願海。善逝津梁。
法顯還晉。摩騰入洛。花散經臺。香流像閣。釋教鬱起。
桑門盛作。露泣珠幡。風吟寶鐸。眞君建德。運鍾滅道。
淪沒四生。毀除三寶。我皇啓聖。德侔蒼昊。妙法更宏。
眞儀再造。陳氏僭號。王赫斯征。勾吳霧捲。閩越廓清。
因逢智者。延謁山庭。珠生浮漢。玉出口荆。華峯崕屹。
石洞淵懸。芬芳菊浦。滴瀝瓊泉。盤渦似谷。覆嶺疑船。
來儀晏坐。觸地蕭然。妙辨悉檀。深窮般若。緇素雲會。
挹其河瀉。或施之材。或投之瓦。經始不日。翻成大廈。
更起龍宮。還閣鹿野。山連紫葢。江抱黃牛。西臨月峽。

東接昭丘春牕夏牖水殿山樓旃檀圍繞琳碧還周
塵吐芙蓉龕懸石鏡白毫相好紺髮輝映銀鷲徘徊
錦鱗游泳騰猴心靜怖鷲影定猗歟哲王命也蕃屏
自天生德孝誠俱秉旦爽非儔閒平詎并出總連轡
入調鐘鼎構此伽藍實資力請魔殿巉巖須彌鬱律
倏覩劫終俄看燒訖豈如彼岸生死皆出金石不朽
天地可畢鐫勒巖阿永垂懋實

續古文苑卷第十六

續古文苑卷第十七

賜進士及第授通奉大夫山東通省督糧道加三級孫星衍撰

碑志三

大唐左屯衛將軍姜行本勒石紀功碑

昔凶奴不滅寶將軍勒燕山之功閩越未清馬伏波
樹銅柱之迹然則振英風於絕域申壯節於異方莫
不騰茂實於千秋播芳猷於万古者乎大唐德合二
儀道高五帝握金鏡以朝萬國調玉燭以馭兆民濟
濟衣冠煌煌禮樂車書順軌扶桑之表俱同仁化所
占濛汜之鄉咸暨苑天山而池瀟海內北戶以靜幽
都莫不解辮髮於藁街改左衽於夷俗高昌國者乃

是兩漢屯田之壁遺兵之所居。麴文泰卽其苗裔也。往因晉室多難羣雄竟馳中原乏主邊隅遂隔閼屈戎狄竊号稱王。歷至今靡聲教自皇威遠被稽顙來庭。雖沐仁風情懷首鼠。杜遠方之職貢阻重譯之往來。肆豺狼之心起蜂蠆之。黎庶賊殺無已。聖上愍彼蒼生。申茲弔伐。乃詔使持節光祿大夫吏部尚書上柱國陳國公侯君集。交河道行軍大總管副總管左屯衛大將軍上柱國永安郡開國公薛萬均。副總管左屯衛將軍上柱國通川縣開國男姜行本等。爰整三軍。龔行天罰。但妖氛未殄。將軍逞七縱之威。百雉作固。英竒申九攻之畧。以通川公深謀

閒出妙思縱橫命■前軍營造攻具乃統沙州刺史
上柱國望都縣開國侯劉德敏右監門中郎將上柱
國淮安縣開國公衡智錫右屯衛中郎將上柱國富
陽縣開國伯屈昉左武侯郎將李海岸前開州刺史
時德衡右監門府長王進威等並率梟雄鼓行而進
以貞觀十四年五月十日師次伊吾時羅漫山北登
黑紺所未盈旬月克成竒功伐木則山林殫盡叱咤
則川谷蕩薄衝梯蹙■百■冰釋機檜一發千石雲
飛墨翟之拒無施公輸之妙詎比大總管運籌幃幄
繼以中軍鐵騎亘原野金鼓動天地高旗弊日長戟
彗雲自秦漢出師未有如斯之盛也班定遠之通西

域故迹罕存。鄭都護之滅車師。空聞前史。雄圖世著。彼獨何人。乃勒石紀功。傳諸不朽。其詞曰。

於赫大唐。受天明命。化齊得一。功無與競。荒服猶阻。

夷居不定。乃拜將軍。殄茲梟鏡。其一六奇。思羣雄逞。

力陣開龍騰。營。麗星光。旗明日色。揚旌塞。

表振威西極。其二峨峨峻嶺。眇眇平原。塞雲暝結。胡風

晝昏。高樹。銘功讚德。

貞觀十四年歲次庚子六月丁卯朔廿五日辛卯立

瓜州司法參軍河內司馬

碧落觀碑

唐李訓

有唐五十三祀龍集敦牂哀子李訓誼讓。謀銜恤在。

疾寘懷靡所永言復

鄭釋報

德思樹良因敬立大道天

尊及

鄭釋逮

侍真像粵若稽古藐覲遂初真宰貞乎得

一混成表於沖用元之又元蹟超言象之域惟恍惟

惚理冥視聽之端是以峒山順風勞乎靡索汾陽馭

鄭釋御

辯窅然自喪曠矣哉道之韞也其寄於寥廓之

場焉至於玉笈宣徽琅函吐祕方壺神闕蒙穀靈遊

倏忽九陔導飛廉而從敦圉俯仰六合戴列星而乘

雲氣固亦昭章逸軌胥嚮孤風消化其瞭幽契無爽

伏以先妃含貞載德克懋瓊

潛研堂跋尾釋作柔

儀延慶台華

正位藩閫動容資於典禮發言光乎箴訓故紘紆是

肅粲盛無違大當叶曜中閨以睦况倚閭分甘之澤

徒居側眄之規義越人倫恩深振古重以凝神道域

抗志澄源淮館儀僊操山鄭釋鴻寶之靈術楚壇敷教

暢微言之盛範儒元兼洞真俗兩該德冠母儀事高

嬪則豈圖昊天不惠積善無徵咎罰奄鍾荼蓼俄集

訓等痛纏過隙感切風枝泣血攀號自祈鄭釋慎殞

祇奉嚴訓慈鄭釋勉備隆偷存視息遄移氣序几筵

寂寞瞻望長違創巨徒深寄哀何地所以貪及鄭釋

餘漏祈福元宗敬寫真容庶幾終古而土木非可久

之致鎔鑄為誨盜之先肅奉冲規圖輝貞質睟容俶

伊鄭釋穆元儀有煒金真摛耀疑金闕之易奔琳華揚

彩若琳房之可覲寬裳交映萃鄭釋駕其留帝晨飾

翠雲之宅

鄭釋美

香童散朱陵之馥載彫爰敷式展

祈以此勝因上資神理伏願栖真碧落飛步黃庭謁

羣帝於天關攜列仙於雲路融心懸解宅美希夷俛

鄭釋注

儀鄰以同

鄭釋洞

奐指乾坤而齊極介茲多祉藩

度惟隆如山作固永播熊章之祿

鄭釋烈

循咳自勗冀

申烏鳥之志孔明在鑒匪曰道遐昌言

潛研堂跋尾釋作叫

嗚

閭庶其

鄭釋斯

無拔昔人銜哀罔極鉛槧騰聲柔嶷

鄭釋

紛克劭義切張憑之誅至德興思痛深陸機之賦况

清輝懋範宛若前蹤瞻言景行敢忘刊紀餘魂弱喘

情不逮文謹託真猷直書心事音儀日遠風烈空傳

敬

鄭釋明

心感慕終天何及

此碑有成通十一年鄭承

規釋文復為訂正數字

此碑有成通十一年鄭承

規釋文復為訂正數字

此碑有成通十一年鄭承

唐宋州司法田君墓誌銘

君諱宏敏其先北平人也自虞承帝錄派媯汭之神
宗陳恒制齊遂開國而爲姓若乃錫土隆家之美贊
玉帛於緡圖陳規獻策之謀著英猷於寶牒祖由玉
山齊暎瓊萼流芳器纍珪璋質懷杞梓韞劉龍之英
美躍管驥之高衢彩匣韜輝金章絕韻詞林振穎筆
海浮瀾秀氣烟高靈規聳見貞風槩俗勁節澄襟被
揚歷而見徵翹車而入聘隨章武郡功曹父恭藍
田孕質驪穴騰輝志岸沖清器該博物雄材雋狀亘
孔仞以逾高雅度汪深湛黃陂而彌浚名馳刈楚德
洽重筵隨高陽縣尉君英靈迴秀壯志遐
■ ■ 韞雄

圖蘭風特振，貞明絕俗，雅道淹通，藻駕雕龍，聲充振
鷺，清辭雄辨，陵屬子之卿，脣逸氣高談，鄙蘇張之緩
頰，洞該物務，統六隧於周邦，備曉公方，館四人於鄉
邑，旣而莫楹，造孽夢豎，延凶寢疾，彌留俄頃，薤露以
永。○淳元年九月十二日，歿於私第。春秋六十有四，豈
謂艱谿掩耀，悲隙影之無留，積玉沉輝，泣清川之永
謝，以口口元年正月二十二日，遷窆於任丘縣西南
五里本鄉禮也。其地東連博陵，西叩金堤，膏腴控其
前，平林亘其後，嗣子務仙、嗣孫神傑、神冲、承族等，搜
蓼莪之巨痛，陟霧岵而長號，扳罔極之哀荒，抱霜荼
而永泣，恐以炎飛岱嶺，庶梓域之長存。岸谷遠遷，冀

松區之尚在其詞曰

承芳軒胃分裳陳成建邦啓土代襲英聲降生明哲
雋又馳名高軌運流景命乃傾誅生前之茂績刻嘉
號於泉扃

大唐懷州河內縣木澗魏夫人祠碑銘

并序

唐路敬淳

蓋聞元圃青宮仙客於焉來往丹丘紫府羽人之所
棲集徵祕錄於淮王時逢八老採神奇於魏帝取覲
雙童子喬控翮翺翔赤霄之上琴高擾鱗游泳淥波
之下斯並心符寂蕞神契窈窕匪塵俗之能羈簪纓
之所屈者矣茲有鮫容雅質貞規淑態韞真氣於閨

房挺仙才於閩闕，嫦娥採藥奔月，屈以含精，靈媛投壺，（暎）電光而吐耀，漢皋游女持珠對南國之賓，洛浦神妃鳴玉俟東藩之后，莫不名芬紫翠，道標黃白，列真非一，往往致焉。魏夫人者，卽是晉劇陽侯任城魏陽元之女也。本傳曰：夫人年二十四，適南劉幼彥，幼彥爲修武令，善爲德政，仁風惠著。時夫人隨在修武之館焉。雖魏同舍縣內，常齋于別寢。季冬之月，夜半聞空中有鍾鼓笳簫之聲，羽旂光耀。降夫人之靜室，輦輦被服，非人所聞見。有四真人告夫人曰：大帝勅我來教子以神真之道。注子於玉札，應爲紫虛元君。上真司命，名山之號，封南岳夫人。後爲洛陽山成真。

人因爲立祠。土俗號阿夫神。原夫鎬京疏社。公高克勤於小物。參墟命族。畢萬連休於大名。丞相之匡翌。漢庭比蹤蕭邴。司空之弼諧晉室。方譽裴山。積德攸鍾。餘慶斯在。況復彤雲授彩。衍豐谷之靈苗。白水開源。導春陵之茂族。乘龍合好。鳴鳳于飛。結大義於絲蘿。諧佳音於琴瑟。劉氏絃歌作吏。同墨臨人。惟彼外持。爰資內輔。服勤慕組。良毗製錦之工。肅事蘋蘩。且佐烹鮮之術。猶以爲六法四行。豈離夢幻之場。九轉三仙。方出塵勞之境。朱庭翠閣。事甚樊籠。元鬢紅顏。理同泡沫。於是撥煩疏黷。練志凝魂。潔成道室之階。列竟師門之宇。悠悠永夕。紫煙昇而庭院虛。凜凜窮

陰元霜冽而池館靜。乃有仙鍾簇韻如發漢鯨。法鼓揚音似棲吳鶴。簫聲寥亮仍苻弄玉之臺。笳奏淒清有異文姬之殿。綠輶朱節真衛相趨霞佩雲裙。仙儀在列。昔安公之治。叶冥契於昇龍。木羽之鄉。應祥期於御馬。眷茲元感異代同苻。故能迴鶩三清。高超八會。持法印而含元氣。合真符而昇太極。金記五千。職隸九元之史。玉言十萬名彰。八素之書。足使上元夫人。慙其嘉号。元妙玉女。媿其芳聲。豈與夫障日。至山薦枕。蓆而通窅。順風江澳。懷環珮而申贈。復有躍魚酬惠。愛鳥遺灾。清溪白岸之姑。阮氏絃生之儷。若斯而已矣。夫以王母既集。西漢列其霄筵。帝子斯臻。北

渚歌其夕漲。是用恢勝宇。創祠壇。想希夷。其若存。庶
恍忽。其無昧。建立之始。年代莫詳。爾其周晉名區。覃
懷奧壤。蘇子攢茅之域。寇君剖竹之郊。孟津南注。控
河流於馬頰。太行北指。啓山路於羊腸。川原相屬。風
煙交會。鬱彼仙觀。揭焉中立。綵之以丹青。陳之以藻
繪。效靈妃之啓齒。圖殷女之練色。行亭三襲。俯瞰川
湄。茅攔四注。却連山阜。巨石崔嵬。像蓮峯而特秀。奔
泉澗洒。瀉松澗以飛湍。微靄觸而流津。清飈激而成
韻。瓊桃仙棗。散綠垂紅。珠實金條。含細佩紫。八林芳
桂。凌冬霰以揚葩。五株仙杏。負春晞而布葉。莫不夾
戶蘿生。垂簷接蔭。可以返魂。駐寄忘憂。愈疾至若吉。

日良辰高人勝士黃冠紫綬忘貴賤而同歸白屋朱
門混榮枯而畢萃敬而不黷誠稟訓於懷柔感而遂
通諒虔心於正直於是採蔬東海折菓西山傾玉酒
而泛流霞酌金漿而挹甘露神交妙有想白鳳之來
儀道契虛無佇黃雀之爲使丹梯可躡必超上漢之
■練馭斯■越無生之浪誠洞真之苑囿靈寶之
區域者焉秋官尚書檢校懷州刺史南陽鄧府君道
光天爵慶發地靈躋泰階而高視寔撐天而騁力題
劔昇朝秉形之寄攸重佩金增秩仰福之任逾隆長
史隴西李知人司馬南陽鄧楷河內縣令鉅鹿耿仁
惠或展驥亨衢化康邦國或割鷄遊刃功茂邑民思

靜力於迴天，猷勞生於寂地。識明元，扎跡寄道樞。半
刺毗藩，則晨趨飛其鶴嶺。一同作宰，則元會降其鳧。
鳥每慮陽軼再旬，具虔馨於斯谷。陰衢潔朔，薦行潦
於茲巒。縣令仁惠，稟氣孝恭。祭則神饗，天然感物。祈
必靈歆，所請甘霖。未迴車而降澤，但求膏液。迎舉意
以零滋，彌媿神之厚恩。故勒銘而旌德，而碧落清窗。
顯在百城之次，椒庭桂門。近臨千室之中，瞻石梁而
靡闕。仰瑤臺而何遠，夫降仙成宅。西岳紀桓譚之賦，
尋真起詠。南溪聞郭璞之詩，是以輕率下民。仰追前
列，寄諸貞琰。題其頌云：
畢筮初占，係復其始。甯門有相，甥膺廟美。珠胎孕寶，

玉仙昭祉寔唯靈媛作嬪君子取譬鸞鳳言邊魴鯉
早明八素夙悟三元呪神爭術滄蓬募仙紫書題記
白簡開編暫遊芝圃倏見華田輕飛起月高訓垂煙
戒遵靈壇載規神宇却倚巖壁前臨澗浦偃蹇雲棟
清泠風戶怪石竒木鳴蟲嘯羽居茲地聖坐同天柱
瀆妃去魏弄女辭秦陽臺之下暮雨稱神洛川之側
朝霞韞真窈窕高蹈寥廓上賓思道業用述微塵
大唐垂拱四年正月五日建宏文館學士路敬消製
勝果院僧從謙書

大唐故朝議郎行澤王府主簿上柱國梁府君

并夫人唐氏墓誌銘

并序

唐

梁朱賓

君諱寺字師陳雍州藍田人也不承帝緒自雍墟而
逮夏陽克勤王家由安定而宅京兆其如葛氏昆季
列於三方有類林家昭穆光乎十德至若衣冠禮樂
之盛烈廉孝賢良之儀表固以舄奔當代昭彰季葉
者乎曾祖遵周秦州清水縣令遽賒相用勞逸兼資
重泉之磬載昌單父之琴斯洽祖殊隋監門錄事參
軍德以潤身學以從政八屯由其式序五校於是克
隆父柱皇朝奉義郎騎都尉識量夷雅風神耿介青
田表秀丹穴攜祥進而不榮安乎散列退而不野鄰
乎湫隘君承積善之餘祉挺生人之上姿因心而好
孔墨抗跡而齊曾閔縱王佐之奇表揚于王庭屈公

輔之宏量薄遊公府咸亨四年授文林郎班例也日
者東風爽候西旅不庭三軍乏坐甲之資七萃興懸
磬之歎君散陶凝慮指困推誠躬親餽餼之勞式周
儲峙之務恕已及物下布人謠憂國忘家上紆帝念
永隆二年恩詔授上柱國道光西漢已極武功之尊
名冠南荆竟保昭陽之貴既而上僊興慕下代纏哀
梁山降白鶴之祥畢陌啓青烏之兆君悲深考逝義
切子來茂績顯於園塋豐功徹乎旒展垂拱元年授
朝議郎行澤王府主簿以枚馬之英規偶閒平之上
邠英風扇乎蘭坂茂躅隆乎桂山東閣由是希聲西
園以之藉甚豈期攝生謬理與善失常西山何高未

接仙童之羽南溟尚遠翻墜化鵬之翼以垂拱四年
十月五日終於長安懷德里第春秋卅有一夫人晉
昌唐氏名惠兒後魏驍騎將軍本郡守契之七葉孫
卽故司農寺長樂監敏之第二女也巫山降祉巽位
摘精挺琬珍以成姿懷冰霰以清慮慕組織紉之務
早擅女工幽閑婉孌之規夙彰婦德恭謙娣姒宗族
所以推先肅事舅姑閨門由其作訓將以鷓驂並驚
常接影於仙樓不意龍劍雙沉竟連形於寶匣以垂
拱四年九月廿七日終於長壽里第春秋卅有六粵
以其年十一月十七日合葬于終南山榎梓谷口隋
信行禪師林側倍大父錄事叅軍之舊塋由夙志也

惟君器周大雅德備中和敏殫衆藝好兼靈迹牟子
博之異錄動息會其情虞孝敬之竒記俯仰該其術
黃金積金鎮寫真容白玉成田併開精舍夫人亦凝
心貝葉屬思曇花幼彰龍女之功長契勝鬘之德婉
茲嘉偶咸借慶於一乘倬彼好仇並歸神於八正其
子景先等以爲形資業起業立則形存化以緣生緣
亡則化息履霜增感豈若奉於遺音聞雷警慕固可
說於真侶式崇寶構虔考勝因寄篆刻於幽埏庶飛
芳於奪里其詞曰

霸秦支子始國于梁帝堯景胄必復其唐易代載德
繼軌傳芳雅符秦晉信叶潘楊其一於惟君子夙承家

慶顯允夫人早標門令笙簧其德黼藻其性問望備

隆容工兼盛其身由業立果乃因成共資有相並證

無生八正凝想七覺馳情德踰善德名蓋淨名其積

善方融輔仁無准始驚炭折俄看薪盡悲哉則豹騎

連翔痛矣則螭軒接軌門庭兮簫索墟落兮淒緊其

哀哀鞠子感感遺孤共詳勝地式奉先墓構曾臺於

翠阜刻貞石於黃墟山山兮塔往往兮真徒其

四品孫義陽朱賓撰文五品孫滎陽鄭莊書

大唐故右虞候副率檢校左領軍衛將軍上柱

國乙速孤府君碑銘并序唐苗神客

大地之大德曰生聖人之大寶曰位生不可以無宰

侯有道以存之位不可以無寄。侯有德以尊之。故荆
極剖天。張維闢寓。大君有作。俯■而乘雲。多士聿
興。仰登山而捧日。可久可大。闡洪業於非常。立德立
功。垂大名於不朽。存而爲一時之傑。歿而爲百代之
英。爰有異人。今可得而聞矣。公諱神慶。字昭祐。其先
王氏。太原人也。昔房■以天戈耀象。六英聞鳳舞之
祥。后弃以星袂興農。萬里厝鸞歌之域。帝圖克峻。王
道攸歸。周德方隆。翦商以光其業。齊功可遂。敗狄而
有其勲。官族著乎天下。統緒傾乎海內。五代祖顯。後
魏拜驃騎大將軍。偉德挺生。稟嵩岱之精魄。洪川派
別。洩江海之波瀾。倚拔干仞。盤紆九野。遂賜姓爲乙

速孤氏始爲京兆醴泉人焉。有命承家，代功居寵。然後以周畿委輅，奉春異鍾鼎之門。漢殿乘軒，田秋匪珪璋之操。言其榮閥，故無得而傳之。曾祖貴，齊右衛大將軍儀同三司使，持節都督岐州諸軍事，岐州刺史。周上開府儀同三司，肯附大夫，隨河州諸軍事，河州刺史，河州摠管，太子右庶子，和仁郡開國公。祖安，齊前鋒都督，周右武侯，右六府驃騎將軍，開府儀同三司使，持節荏州諸軍事，荏州刺史。隨益州都督，襲封和仁郡開國公。拜前拜後，惟昭惟穆，咸以忠貞之操，並資文武之才。終始一心，雖百君而每合，出入三代，居八命而逾隆。父晟，皇朝上開府右武侯，右廿府

左車騎將軍轉驃騎將軍。令緒逾崇，高門克大。岳靈
鳳德，紹賢哲以相趨。河日龜文，識公侯而繼出。公山
資海授，星傑雷英。跨俗騰彩，驚時駭瞩。雖仲連飛兔
追日電，以長鳴而諸葛臥龍。候風雲而戢景，俄屬龍
鼉架海。猿鶴凌江，黃神吟而寓縣。分素靈歎而區域
震高祖神堯皇帝，開天躡步翼日騰精，偃橫流於九
海，蕩洪氛於八極。雲雷憤薄，興於晉水之湄。天地氤
蘊，闢於渭川之浹。于時邑居幅裂，豪俊棊分。鵲起逢
時之心，寰中旣擾。烏止于誰之室，寓內攸瞻。公乃蓄
悟井之深幾，載驅驪鼻。知躍泉之秘蹟，言訪龍田。獄
訟歸禹，不忘於寤寐。歌舞迎周，獨斷於襟抱。以義

之始乃奉見於涇陽初蒙恩命預參秦府從平京邑
授通議大夫賜物六十段戎章克峻雖策勲而既重
國圖伊始以門胄而方榮乃取祖萇州府君之資任
右親衛于時雖地開金策剪鶉甸而斯安而池阻玉
華亂雞津而未靜公於是奉陪八技薄伐三川從討
王充破青城堡賜物一百段并袍衫牛等加勲大將
軍武德元年又征薛舉二年復破武周神兵四舉每
推亡於後服英圖百勝必賈勇於先登時宋金剛尚
憑地險更勞天伐公乃因機有捷燭雲火之高輝應
變無方刊風灰之遠陣平寇之後蒙賜馬及金鞞綵
物百段王充以巨猾窺豐假位號於成周建德以大

盜因時竊仁義於全趙恃連雞之援以阻危邦託刑
馬之盟方爲與國太宗乃韜龍豹旅貔貅黃鉞排天
朱旗斷霧涉洛川而憤角震嵩巖而疊鼓王充以迭
食爲命不移蚩魘之心建德以弱甲相依無舛螳螂
之衛公乃懷竒請奮受命長駟破王充千金堡并從
擒建德預軒勝於元苻奉堯績於丹浦燕趙俄獲蚌
爲脯而無遺虞虢終亡馬服輿而不失加勲柱國賜
物二百段劉黑闥擁銅馬之餘孽氣蘊圖南阻金鳳
之長川英雄趙北公乃從平清漳洛水二■因遂俘
之授上柱國賜■■■并■馬等綵物一百五十段
粵以超時之効恒當不次之恩滿寵受田殊非異賞

李忠錫馬遂多慙色尋又從破除員朗復著奇勲既而聖情載洽念功勞■特蒙賜■用表深榮太宗以元雲入戶未改唐侯之爵白水開錢猶踐蕭王之號秦王府妙資左右公以良家首辟■令長上仍賜大袍既而飛鸛侵■長虹竭井雖域中四大正西北之傾維而天下一家有東南之反氣太宗乃殄茲方命殲厥流言推大義以龔行安至公而克翦公以九年六月四日載靜奸回因而侍衛十旬不出既而汾陽脫屣代邳承祧高鳥盡而藏弓歸獸存而去戰公乃方從挾策且欣囊矢結墳籍而爲畧驅禮義以爲禽然以七德攸歸五營斯佇方始執鞭之任式隆初簣

之基以貞觀五年授右衛勳衛
七年賜絹一百疋八年授右勳衛校尉公以懷
才樂道緯武經文學而時習顛沛必於函丈功成不
居終始存乎退尺每策勲而命賞常後已而先人所
以幽谷非遷望喬木而韜響澠池徒奮坐大樹而銷
聲雖薄遊之志每深而厚祿之期終及十年蒙授游
擊將軍守左領軍長春府別將仍於永豐倉留守
佳兵七萃左帶皇畿敖庾千箱傍臨陝服正壘壁其
斯重瞻海陵其已陋聿兼其任隆寄存焉十二年以
琰極西傾玉鸞東警皇輿帝阜肅龍駕於風雲天動
神行揚鳳旗於日月董司戎禁載佇忠賢車駕自東

都還京。乃勅公檢校右衛勳上府郎將。十七年。以震宮養德。乾心佇。乃。詔曰。公官。志懷強濟。計畧沈遠。勞効著於戎旅。恪勤宣於階闈。宜加榮擢。周衛儲闈。可守太子右衛。率府勳衛郎將。於是青闈振景。絳地增暉。招搖之桂。連芳共。蒼琅之竹。比節同。十九年。馬邑僂職。無踰於驟山之義。龍顏憑怒。有事於遼水之陽。驚雷輜於碣石。洗天兵於海島。時高宗天皇大帝。銅樓毓粹。玉裕流溫。雖義在懸弓。宜扈於擒縱。而時方主鬯。實資於監撫。乃。州留守。命公等。奉儲闈。廿年。丁驃騎府君憂。去職。還輟。趨巷。偏悲陟岵。絕漿九日。已摧唐頌之心。茹痛三年。每泣高

柴之血廿三年詔授太子右衛率府翊衛郎將犀鈎
在飾鶴■登榮抑禮援琴仍奉樂風之韻踰暮改燧
更承重日之輝既而龍躍在天正銀題於紫極鴻飛
漸陸振玉羽於元霄高宗卽位之後授右衛中郎將
永徽三年除守右驍衛翊衛中郎將張奐坐帷奮雄
邊之遠畧馬卿建節馳喻蜀之高文才宦雙美括囊
千載五年詔守太子右虞候副率尋加兼太子右虞
候副率徐邈授經之彥師表攸存卞敦良將之才閑
邪是屬公之授也斯實兼焉俄屬六麟徐駕御西京
之霧雨五牛遐拂俯東洛之風煙鈎陳旣委英賢是
賴駕幸東都之日檢校左領軍衛將軍尋又駕幸■

并州先置還東都日檢校右領軍

衛將軍仍知六閑馬事温驪籥景歎於雪谷瑞

生風銜珠耀於并職無不理帝有嘉焉俄又兼

太子右衛率系惟不秩寔茲以建功

茂仲以主門興績瞻言故實英尚斯途公以儔之則

爲優矣方冀有仁必壽有壽必隆而位未極於鈞璜

問望周之浦齒不延於練玉遽頽觀魯之峯以顯

慶五年八月廿四日遘疾於

第春秋六十有二晁旒興悼哀榮兼極勅書垂慰

賜贈逾隆詔問嗣子行儼等并賜物二百段粵以龍

朔元年歲次癸亥二月戊午朔十九日異時潛研堂金石跋

尾云癸亥乃龍朔三年非元年也又以通鑑目錄考
之龍朔元年二月丙寅朔三年二月乙酉朔俱非
午朔碑版之文所紀年月宜得其真而祇悟如
此殊不可解然此碑決非後人所能偽作也永曆

於雍州醴泉縣履中川以從先一禮也惟公降象辰
緯誕靈川岳德光寶璧舒白氣以成虹才苞利器橫
紫氛而射斗昔在髫初卽踰常類嶷然殊狀如旭日
之吐青山湛乎深識若明月之含碧海克岐日就至
性天成教以義方則行之靡失趨而有訓則奉以無
違承顏必當於隱犯知年每形於喜懼不愆于德瞻
梓無以措其徽未嘗有過折捶無以申其罰泊乎歷
丁艱疚殆不勝喪在驃騎府君之憂公時已班隆貴
屢將毀滅痛深朝野于時乃有巢鷦乳于倚廬觀聽

嗟■古今攸絕。豈止許攷永慕。栖鵲翟於虛檐。丁密窮哀■翔鳧於■沼。若斯而已矣。加以友于成性。愛爲懷共。駕無睽。屢拯鍾輿之■。同衾有慰。每追姜室之歡。兄弟數人。公爲其長。居上斯睦。撫下以仁。韡韡增映。怡怡可樂。其後五門將闢。三荆遽慘。公乃責深自箠。悲共氣而無終。訓切在原。泣分形而有異。雖同胞竟阻。王脩之喻罕遵。而推產不干。卜式之資未給。公以鼎貴餘業。財踰巨萬。一無所取。咸以讓焉。遐邇嗟伏。宗姻駭歎。公以幼承教義。早聞詩禮。德思潤已。學尚專門。俄屬有隨。蕩覆生人。殄喪鄙書。劍而事干戈。弃俎豆。而脩軍旅。故得藝殫。弧矢精極。韜鈴戟

枝楊葉窮取睽之妙。金匱玉堂盡殲戎之術。所以革
車每次大憇斯殲。慮靡遺策。兵無挫銳。非以賞而邀
利。⑤以功而自伐。然則因時命律。積稔論兵。受而莫
違。當厚惠而居百夫之長。推而不有。委榮名而辭萬
戶之侯。卓矣高蹤。魯連豈唯於蹈海。安乎卑位。曷舊
遂勞於執戟。大雅君子。斯之謂焉。子國子明經高第
朝請大夫行綿州司馬行儼⑤遠將軍守岐陽府長
上折衝行均游擊將軍守甘泉府左果毅都尉行方
等。或傳經綜業。或良弓嗣美。誠在孝而斯勇。寔致果
而爲雄。仁者安仁。心無昧於觀行。將門有將。理不差
於必復。旣而匪莪嬰酷。悴柏纏哀。攀蠹索而增慕。循

鑿楹而載感。於是乃與昆季聚族興言。以爲陵谷難
恃。風猷易絕。雲臺入畫。莫究遺芳。天祿藏書。方成蠹
簡。欲垂不刊之跡。必存無媿之詞。於是爰勒他山。用
旌斯烈。無使波空渤海。識墮淚於千齡。麓徙琅琊。傳
受辛於萬古。其詞曰。

立功立德。惟武惟文。銘戈著範。勒鼎昭勲。名懸日月。
氣凜風雲。誰其克紹。卓矣夫君。緒派伊笙。望隆淮筮。
肇錫宦族。卽榮昌袞。袞服有輝。旗章靡替。明明斯謀。
高門是繼。英英亮狀。灼灼瑰竒。不慙于道。無忒其儀。
光含巨闕。彩振長離。公山比驥。呂望非鸞。運屬時屯。
道參人傑。鵬圖鳳舉。雲迴風烈。濟水秦亡。登山趙滅。

功成百勝。途夷九折。已建宏勳。俄膺懋寵。期門甫陟。羽林初奉。帝庾斯衛。儲兵載擁。寓省才高。司階位重。官連四率。望越五營。聲芳漢將。氣表周楨。未登台室。遽掩佳城。哀纏國寶。痛結人英。樹慘王哀。松凋許泣。九泉長送。百身何及。鶴兆方兼。烏墳永戢。山秋月思。野寒風急。傳鈎令緒。待漏英才。蘭期奄隔。楸思俄開。圖芳隧路。紀德泉臺。九原徽烈。千古風埃。

大唐

二年歲次庚寅二月戊申朔十九日景寅立朝

散大夫守著作郎文館學士兼修國史上柱國濟

南縣開國男苗神客撰淨普寺釋行滿書

此碑下截缺字餘亦

漫漶舊醴泉志已云存二千五百餘字今据舊拓本書之十得八九勝于王氏萃編所載為多矣

大周無上孝明高皇后碑銘并唐武三思

思臣聞一儀合德中黃承太紫之庭兩曜齊明玉兔儷

金烏之象是以九霄高映○星躔垂婺女之精十野傍

羅媯水叶娥皇之德亦有西陵美族■軒帝之宮

南土嘉媒入娉夏王之幄其後大任端一卽創文基

大姒勤勞還開武運故知皇三事業咸資坤藹載之

功帝五風謠必藉陰靈之化無上孝明高皇后宏農

仙掌王也字出自有周益唐叔虞之後原夫赤烏

流火丹雀銜書蘭初開夢梓之祥旋茂翦桐之業自

唐郊徙邑晉野裁封卽胙土而有家啓禎符而得姓

周則志爲大將承九代之餘資秦則款爲上卿居七

城之重任。豈直十疋丹轂。金莩烏弈於都畿。四代白
環。玉緒蟬聯於海縣。子雲博識。吐鳳摛詞。伯起高材。
銜鱸襲祉。誕壘聖不墜。降靈相屬。神基與紫嶽爭高。
仙派共黃河俱遠。所以山隆鐘鼎。壘地積衣冠。五公
則異代相傳。八子則殊牽年閃出。詳諸國因史。可畧
而言。曾祖諱定。後魏都督。歷新興太原二郡太守。并
州刺史。晉昌穆侯。宏材卓犖。峻局深沈。丹山有象。日
之彩。綠壑見遺風之步。褰帷按俗。風行馭竹之郊。露
晷臨王化。偃焚林之阜。豈直鄧攸罷郡。深歎雞鳴。劉寵
辭官。方憂犬吠。祖諱紹。後魏征西將軍。金紫光祿大
夫。兼通直散騎常侍。驃騎大將軍。周開府儀同三司。

封儻城郡公。鄜幽燕三州刺史。贈使持節大將軍。成
文扶鄧洸五州諸軍事。成州刺史。謚曰信。聲飛漸陸
響。逸鳴臯。器重南金。材橫東箭。謀深八陣。勇冠三軍。
既隆投石之勲。果踐銜珠之秩。加以金龜結紐。銅虎
分符。轉扇揚風。停車待雨。童兒結要。無欺一乙之
期。親友論刑。自得二匹天之詠。父鄭恭王諱達。周內
史中大夫。隨開府儀同三司。黃門內史。吏部。刑部。二
侍郎。尚書。左右丞。趙鄩。二州刺史。工部。吏部。二尚書。
上言營東都大監。將作大匠。武衛將軍。左光祿大夫。
遂靈恭公。贈吏部尚書。唐贈尚書左僕射。垂拱。二季。
封鄭王。食邑一萬戶。依舊謚曰恭。卽雍州牧。司徒。觀

德王之季。量包江海。氣逸煙霄。文則呂氏春秋。
武則孫吳。代襲鏘鏘萬石之君。禮樂基身。
翼翼千金之子。鸞迴玉札。鴈落瑠弓。激水張鱗。遙浮
渤解。搏風理翰。直上扶搖。累踐崇階。頻昇顯秩。罽鞬
北闕。位揔貔貅。曳履南宮。聲高鸛鷺。貂冠入侍。氣應
連珠。隼旆分班。榮叅執玉。加以累仁。鍾趾積德。延祥
四履。開封寵及九泉之路。千乘禮恩。覃萬古之前。
棠棣相輝。鵲鴿交映。劉家兩驥。譽滿寰中。荀氏八龍。
名高海內。通門向術。冠蓋成陰。甲第當衢。歌鐘就列。
伏惟無上孝明高皇后。資靈匝朔魄。毓粹○宮承茂。
祉於瑤筐。降仙儀於金屋。聲馳卯歲。潛流夢乙之祥。

譽表筭季。暗積捫瓦之貺。蘭襟散馥。蕙問揚翹。懿則
重於邦家。柔儀冠於今昔。忠圖孝範。授翠竹而凌霜。
媛德嬪容。引青松而冒雪。禮枝合秀。藻七誠於情田。
行葉分芳。籠九師於性府。徽猷內湛。韶姿外發。懸明
鏡於積水之間。振清飈於長松之上。貞規漢遠。亮節
秋高。翠縷紅纁。從來未重。龍梭鳳杼。本自多輕。簡素
鄙鞞。繡之工靜。默尚韋編之道。明詩習禮。豈唯秋菊
之銘。閱史披圖。寧止春椒之頌。學標而縱。開道德之
清關。業契生知。入文章之妙境。曾於方寸。具寫千言。
摠遊霧於毫端。窮偃波於筆杪。芝英雲氣。入魏帳而
分輝。龍爪魚形。映張池而散彩。嘗題一簡。密記貞心。

置以緘滕藏之屋壁云當使惡無聞於九族善有布
於四方指此立身期之必遂後因修宅匠者得之恭
王見而歎曰此隆家之女矣昔者書堂欲壞唯聞絲
竹之音劔匣將開空覩蛟龍之氣未有仁心暗徹睿
德冥通橫宇宙而無違滿乾坤而自應若乃行該壑
義孝極仄經親枕席而忘疲候晨昏而靡倦及乎風
枝不靜露蓼含■哀哉履厚壑而無追仰曾穹而莫
報思欲托三乘之妙果憑五演之元宗永奉嚴親長
栖雅志昔隨季喪亂海內沸騰伏鱷垂仄風塵暗起
羣龍戰野旗鼓潛張白騎於是爭馳青犢由之競擾
蚩尤則餐沙食石項羽則索鐵申鉤赤眉探盆子之

籌黃巾聚芘師之米。夫三才合契，唯神膺大寶之名。六位乘時，惟暨運洪鑪之德。唐高祖神堯皇帝，材雄鵠起，業峻龍飛。用丹宸而靈至，將朱旗而撥亂。芘綱既紐，竟收龍鳳之圖。壑角咸清，遂翦豺狼之毒。無上孝明高皇帝，觀時有作，應運而生。先知赤伏之言，預識黃○之兆。功深坐樹，績茂披荆。負伊鼎而陳謀，入張幃而建策。龍鈐獨運，當赤壑之三千。獸節長駢，偶皇芘之百六。息崑山之巨燎，並藉中權。定滄海之橫流，咸資上畧。志同魚水，契若鹽梅。如魏武之得荀攸，似漢光之逢鄧禹。雖英圖盛烈，昭鶴鼎於高門。而闡則嬪風，闕魚軒於中饋。高祖神堯皇帝，位膺元首，任

切股肱利涉大川寄隆舟楫式崇勲舊爲結潘楊酬
功草昧之時賞效雲雷之乙高后以孝誠純至雅操
虛沖拒縟禮於移瓦誓閑襟於函室六塵不染孤標
水上之花四諦方披獨晤○中之匝泊乎鳳凰開繇
猶堅匪席之心烏鶴成橋果迫如綸之命於是使桂
陽公主爲婚主禮娉所須並令官給旣而三○叶兆
百兩邀歡與松蘿而比茂諧琴瑟而流響風閨少女
襲蘭蕙而馳芬匝幌仙娥韻珩璜而動步光生綺殿
比桃李而增鮮影發春樓視雲霞而掩色八紘欽其
雅躅四海挹其鴻徽猶羽翼之宗鸞鳳風雲之隨龍
虎者矣廟見斯畢卽拜應罔夫至從班例也于時帝

圖肇建王業。夙基三戶。亡秦覺風塵之始定。四門闢舜。識雷雨之將調。而無闕①之祇。壑息崩山之禍。主上方勤庶政。屬想羣黎。將貽共理之憂。式廣求賢之務。無上孝明高皇帝。以勲兼竹帛。義重金蘭。備歷文武。昭昇內外。三踐八元之位。四臨九百之途。中臺飛署。劍之榮。南服揔班條之任。高后以業光圖。大道叶埴。篋欲啓仁明。寔具儉助。是以量如江海。令未發而風移。化穆荆衡。澤將流而至悅。呼鷹臺下。尚隔去思。抵鵲巖前。始歌來晚。俄而高祖晏駕。瞻脫屣而無留。太祖崩號。奉遺弓而積慕。沈綿遽軫。終無就②之期。痼疾遄淹。忽切乘○之釁。高后哀深杞塚。誓切柏舟。悲

一劍之先沈怨雙桐之半死昔時寶鏡愴對孤鸞舊
②瑤琴悲聞獨鶴銜冤茹痛撫總帳而增號弔影傷
魂踐孀閨而凝慕方祈淨業敬托良緣憑慧炬於幽
途艤慈舟於覺海於是心持寶偈手寫金言字落貫
花詞分半匣龍藏豈及象頁難勝將佛②而長懸共
慈燈而不滅及龍旌首次屢緋遵途永惟憑附之誠
願託丘榛之側方冀鴛栖梓樹近接埏庭鶴舞松枝
傍依隧路特以壘上率居膝下愛切掌中理藉劬勞
方資顧復宣和諭善屢積葭灰②就匣將頻移柘火
至永徽六季壘上母儀萬因而位六宮將開鍊石
之基乃遂頽沙之祉大帝以西京命賞平原之秩未

宏東漢崇恩新野之封猶福於是廣流元霤大啓黃
扉稽石窳之遺塵裂寶符之氣鼎以其季十一匝時
拜代因夫生食湯沐邑一千戶品出第一位在王公
母妻之上魚軒水鷺颺輕影於龍池暈服霞明下鮮
文於鳳掖榮由德被位匪恩昇驟應嘉名徒昭洪澤
以顯慶五季十匝轉拜榮因夫生尋改封鄴因夫生
自家疏槐里門荷耜庭累沐殊輝頻膺茂典南鄰夜
靜奏鐘磬於高臺北里晨通列笙竽於廣榭門有躡
珠之客家豐饌玉之廚恒處逸而思勞每將昇而必
降綠墀青瑣特忿王根火布金地深非梁冀謙撝之
美萬囷仰而知勸端潔之風九圍欽而取則智周寰

宇識洞古今思所以匡因庇在濟時執物嘉謨謹說
屢發於神襟厚利豐功頻彰於帝念奏便削藁在莫
能知每以孔光祕言合爲思之道山濤密啓得事字君
之要可久可大置黔首於生成惟幾惟深頓蒼元
於覆蘄至若緣情體物屬事比辭取之以義方先之
以風化清詞海富縟藻雲繁凡所著述皆成典詞其
動也方其靜也直其恩也若春雨之流津其威也若
秋霜之應節接上以禮逮下以仁君子感其德小在
歡其惠而機獨轉靈臺迴燭虛鑒與②匡齊明神理
共陰陽比奧洋洋乎不可得而稱也旣而離宮霧闢
遙橫峯乳之山別館○開上戴而眉之宿甘泉避暑

方陪萬乘之遊，景福追涼，更扈六龍之駕，不謂災纏霧露，疢積膏肓，丹辰凝慈，召名醫而接軫，紫霄流渥，下玕藥而相望，玉釜徒煎，竟乏長生之術，金丹莫就，終無駐壽之期，咸亨元季，八匝二乙，崩於九成宮之山，第春秋九十有二，璽上以身齊霄極，禮闕晨昏，戀隔九重，望長筵而下泣，心馳五起，瞻厚縵而啣悲，大帝慮不勝哀，祕茲凶問，苴筵欲對，仍流不次之恩，藁服將臨，更下非常之澤，仍改封衛，因夫至以諭璽上之憂懸也，后疾將大漸，時落高春，雅志無昏，神情不撓，影隨燈滅，自此長辭，魂逐香銷，終無蹙反，以爲合葬，非古禮貴從宜，將追罔極之慈，願在先塋之側，璽

上奉遵遺旨無忝徽音。割同穴之芳規，就循陔之懿躅。卽以其季庚午閏九匝，辛丑朔廿一^乙辛酉遷座於雍州咸陽縣之洪瀆原。鄭恭王舊塋之左禮也。爾其郊原坱圠，林薄阡眠。秦塋關河迴接，寶雞之野。漢家墳隴平依，金狄之川。松檟森沈，何季烏住。風煙蕭索，幾代巫亡。於是凝恨九竇，廢朝三^乙空山露泣，痛結飛行。曠野雲愁，悲躔草樹。乃下制贈魯，因大夫。在謚曰忠烈，仍令司刑太常伯盧承慶攝同文。卽卿充監護大使，右肅機皇甫公義等爲副。賜東園祕器，每事官供。務從優厚，仍令西臺侍郎道因公戴至德持節弔祭。京官文武九品以上及諸親命婦並赴宅弔。

哭仍送至渭橋葬事並依王禮給班劍四十庄羽葆
鼓吹儀仗送至墓所往還官爲立碑親紉銜禮璽上
因心轉切錫類方宏希申莫大之懷冀展飾終之請
烏墳欲列思增茅土之儀鶴壠將崇願廣山河之誓
遂得五雲飛彩墜仙液於松塋十乙迴光被增輝于
蒿里乃下制贈太原郡王妃餘並如故所司備禮册
命大帝親御橫門開軒悲哭紫宸哀慟黃屋淒涼而
壘爲之寢光煙雲由其輟色璽上以幽明永隔岷岵
長辭終無再見之因鎮結千秋之恨奔曦已遠薦霜
董而無季逝水難追饋冰魚而末乙又以嚴規早墜
遠十厝於鄉墳慈蔭重傾近陪親於京壠陵塋眇隔

長懸兩壑之悲，關塞遙分，每切百身之痛。遂命大使
備法物，自昊陵迎魂歸於順陵焉。遊冠遠降，墜舄遙
遷。方移沛邑之魂，更啓橋山之域。白雲朝起，乍伴龍
輶。明匝宵懸，時低蜃衛。文明元季，壘上臨朝。其季九
匝，追尊先妃曰魏王妃，食邑一萬戶，實封加滿五千
戶。改咸陽園寢曰順義陵，大名而啓奧壤。○分古樹
捎雲，近對黑龍之水。荒墳映匝，傍隣丹鳳之城。徽號
旣崇，園陵夙廣。屬以圖書河洛，龜負鳳銜。窓闥方圓
雲攢霧矯，合宮重屋。旣布政而嚴禋，玉輦金輿。具巡
河而拜洛，永昌元季。追尊先妃曰忠孝太后。旣而謳
歌允集，獄訟知歸。而垂革命之符，壘涌受終之錄。元

珪錫禹還逢揖讓之季黑玉歸商即啓休明之運九
 莖仙草依漢殿而抽芳五色祥雲繞軒宮而布彩下
 從至望上應兩心乘寶位於通三建瑤圖於得一黃
 琮蒼璧祀壑郊而復廟重簷宗文祖武鴻名肇創光
 鳳闡於幽泉茂禮將加飾鸞圍於長夜而穉授元季
 追尊曰孝明高皇后陵曰順陵復以祥分貝葉瑞演
 龍花金容開十壑之圖玉相告三空之讖龍軒黯黯
 俄為兜率之兩鳳閣峒峒忽似須彌之座金輪既轉
 玉鏡方懸式詮無上之文顯崇親之義長壽二季
 后位之上又加無上兩字尋又下制改順陵曰望鳳
 臺東京故事西漢遺塵封樹空存追崇未廣豈若宸

襟鎮結長懷露序之哀睿念恒纏永積霜曼之慕遙
瞻鳳野式建嘉名遠望鵜郊長懸美稱且夫功成翼
贊尚畫雲臺勩擅勳庸猶題麟閣況乎俱而茂德貫
區殊禎垂母則於寰區導嬪風於邦因豈可使炎涼
暗積陵谷潛移唯栽舞鶴之松不刻盤龍之石壁上
凝懷萬化長想千齡恐望軸之西迴懼而闕之北轉
方圖琬珍式降絲綸永嗟仙鶴之歌用固靈龜之上
微思攀輝乙樹沐潤○潢榮忝綠車職兼青史奉先
追遠恒積慕於丹誠相質披文忽承恩於紫誥是用
恭抽弱思敬述洪猷屑瓦徒勤生金媿妙揮毫奪魄
陳萬一而區窮伏紙驚魂辭再三而不獲逡巡拜首

作詞云

矣上古悠哉厥廼而迴紫府。峯轉黃輿陰陽蕩薄。

匪居諸靈龜負識寶鳳銜書。其六位既陳三才乃

帝皇鬱起后妃更襲蛟電遙凝虹。○下入渭涘疏

塗山是葺。其明明高后奕奕輝光白環代鬱丹轂

昌靈基嶽峻曾派河長捫而集祉裕後開祥。其爰

自生育早彰尊貴匪出○流青龍紫氣金屋是貯玉

衣方萃鶯卵非奇雞珠靈異。其芝蘭吐葉桃李開花

黃雲白氣夜匪朝霞賢明自負仁孝無加曾霽降藥

祕篋飛沙。其聰晤而資惠才神與河漢靈匹瀟湘帝

女筆動鸞迴絃調鶴舞滌想金壘壘心寶聚。其仙容

婉婉豔質峩峩。○妃恥出。匪媛羞過。椒花入頌。柳絮
縈歌。詞峯秀嶽。學海馳波。其魴鯉成詩。鳳凰開兆。琴
瑟既合。室家斯紹。兩鶴齊飛。雙龍並繞。德行方肅。言
容是昭。其九圍母則。六合嬪風。恩流海內。化被區中。
銀環曉上。金珮夜口。祥開梓闕。位冠椒宮。其習禮明
詩。披圖閱史。漢朝馬鄧。周季任姒。陰化聿宣。坤義肅
理。貫匪騰瑞。驚雷送祉。其高春忽墜。上壽俄蹇。金丹
不熟。玉釜徒煎。黃泉九壑。白乙三兩。六宮恨積。萬罔
哀纏。其一寂寞。丘壠淒涼。原隰畢塗。難追。終而靡及。
露晨清。秋霜降急。伏紙銜悲。揮毫灑泣。怨豔賢之
同盡。感昏明之遞襲。紀盛德於豐碑。冀神猷兮永立。

其一長安二季歲次壬寅金匱已巳木朔五乙癸

西金建特進太子賓客兼修國史上柱國梁王惠三思

奉勅撰太子左奉裕率兼檢校安北大都護相王惠

旦奉勅書此碑明末地震而什後遭縣令鑿碎用之

二三至王氏萃編所載祇二百八十字尚存僅十之

史士鉉手續二冊題云唐碑錄存內有北種獨為完

全必出地震前舊搨也
亟錄之以補萃編之闕
續見順陵碑舊搨本重校
正四十一字甲戌閏月記

續古文苑卷第十七